



Kol pis bilong Moimara tais...



Dispela tripela pikinini Esther, Eliz wantaim brata bilong ol i karim wanpela kol-pis ol i hukim long Moimara tais arere long Ramu Wara long apa-Ramu. Papa bilong ol i stori olsem ol tais na hanwara bilong Ramu tasol i gat ol kol-pis na makau pis. Bikpela Ramu i nogat bikos ol pis bilong autsait i kam na kisim ples pinis. *Poto: JAMES KILA*

Insait...

Mona bai peim projek fi long ol Goilala - P4

Yu ting wanem long ol asailum sika - P5 na15

Wokman pilim pen long takis

... Gavman kisim bek olgeta pei long takis

Wantok Ripota i raitim

OLGETA wokmanmeri bilong Papua Niugini save peim 35 pesen (%) takis o moa go long gavman taim ol i kisim pinis pei bilong ol long wok. Dispela takis em bikpela mani tumas we planti woklain save pilim pen tru taim ol i lukim las pinis pei bilong ol, maski amas yias ol kilim wantaim kampani.

Dispela i soim olsem sapos pinis pei bilong yu em K40,000 we i karamapim balus tiket, skul fi, hausing alawens na pinis pei olgeta bai

ol pei masta i rausim 35% long dispela total mani mak. Em olsem $K40,000 \times 35\% = K14,000$. Olsem na rausim K14,000 long K40,000 bai yu kisim K26,000 long pinis pei bilong yu na go long famili. K14,000 em bikpela mani tumas long lusim long takis.

Wanpela gavman pei masta i tok ol save katim takis bihainim amas tru wokman save kisim long wan yia o total mani olgeta long wanpela yia. Kain olsem sapos wokman save kisim K27,000 total pei em 20% takis, K33,000 go antap long

wan yia em 35% takis na K70,000 total pei go antap em 40% takis long pinis pei bilong dispela wokman.

Narapela praivet kampani tu i tok dispela em tru na bikpela hevi tru long planti wokmanmeri bilong yumi long kantri.

Sapos gavman o IRC ken tingting long givim bek sampela ribeit o bekim bek mani long olgeta wokmanmeri bai orait liklik bikos turangu wokman ya pinis bai gavman kisim bikpela takis long pinis pei bilong em. Nau ribeit em long skul fi

tasol sapos yu yet save peim skul fi bilong ol pikinini long poket bilong yu stret, kampani ya i tok.

Kampani ya i tok moabeta ol yunien i pusim dispela toktok long gavman ken lukim stret wanem poin na hevi stret olgeta wokmanmeri bilong PNG i wok long pilim stap nau.

Wantok bin toktok wantaim NasFUND we olgeta wokmanmeri bilong Papua Niugini save putim mani bilong ol go long en olsem savings bilong ol taim ol pinis long wok.

I go moa long pes 2

KISIM NIUELA 3G HUAWEI MEDIAPAD LITE

Bai ikam wantaim wanpla mun FRI Data Pass (500MB) wantaim FRI SIM



HUAWEI MEDIAPAD LITE

K449

Stocks bai istap lo liklik taim tasol! Kisim now lo ol retail stoa na ol authorized dealers.

Digicel

3G DIGICELPNG.COM



Homstail Irish Stew

Swit moa!!



Gavman i bekim K643,000 bilong UNESCO

YUNAITET Nesen Edukesen, Saiens na Komyuniksen (UNESCO) Jeneral Sekreteriet long PNG nau i kisim pinis mani mak bilong K643,000 long gavman bilong Peter O'Neill long bekim i go long UNESCO heto.

Dispela mani em i bilong UNESCO we PNG i bin yusim long ol projek bilong Edukesen long 4-pela yia bipo, tasol ol i no bin kamapim ripot i go bek.

Olsem na UNESCO het opis long Paris, Frans i bin singaut long ol bai bekim hap mani olsem K643,000.

Long dispela as, UNESCO het opis i bin stopim mani i kam long PNG Wok Bung Program i nap long 8-pela yia o foapela tu-yia taim. UNESCO i save givim mani bilong "Wok Bung Wantaim Program" long olgeta tu-yia taim taim PNG i bin . PNG i kamap memba long 1976.

Long wanpela nius konprens long wik i go pinis, Dairekta Jeneral



Yori Yei - Sekreteri Jeneral UNESCO PNG.

bilong PNG UNESCO opis Yori Yei i tok, long wankain taim, ol i laik tokaut long pablik long wanem wok

bilong UNESCO long wol. Em i tok UNESCO em i wanpela teknikal Ogenaisesen na em i hap

bilong UN famili. Em i gat bikipela wok tru i winim ol arapela UN opis. program."

Taim mani bilong "Wok bung Wantaim Program" i stop, ol arapela program bilong UNESCO long kantri olsem skolasip i wok long go yet.

Dispela mani we ol i no bin ripotim em ol mani Edukesen Dipatmen i bin yusim aninit long "Wok Bung Wantaim Program,"

Mista Yei i tok ol i bin askim ol gavman bilong pastaim long helpim ol long bekim dispela mani tasol ol i no bin mekim. Nau em O'Neill-Dion gavman i kam gut na i wanbel long bekim dispela mani i go long UNESCO het opis na ol i amamas tru.

Nau bai PNG i ken salim ol projek proposal i kam long UNESCO opis stat long Februeri 2014. Em i tok UNESCO em i wanpela bikipela

opis tru long wok bung wantaim gavman.

PNG olsem memba bilong UNESCO i save peim samting olsem \$600,00 olsem membasip fi bihain long olgeta tupela yia.

Nau PNG i kamap wanpela memba insait long eksekeyutiv bilong UNESCO na em i makim 17 -pela kantri long Pasifik em Ni Silan na Australia wantaim taim Vais Minista bilong Edukesen i bin go long miting bilong UNESCO na i kam bek.

Dispela posisen bai i stap i nap long foapela yia long PNG bai bringim ol wari bilong Pasifik i go long bikipela opis.

"Yumi bin mis aut long las 8-pela yia olsem na mipela laik tenkyu long O'Neill-Dion gavman long helpim long bekim dispela mani, na long Februeri 2014 bai yumi stat kisim ken mani bilong ol projek" Mista Yei i tok.

Takis kilim ol wokman...

I kam long pes 2

NasFUND i lukautim seavings bilong ol woklain bilong ol praivet kampani na bisnis tasol insait long kantri.

NasFUND i tokaut olsem seavings o fotnait mani ol woklain save putim kam long NasFUND em save stap gut na nogat takis long en taim ol pinis wok na laik rausim. Takis em ol save rausim tasol long kampani seavings bilong ol wokman tasol.

Mak bilong takis i sanap olsem, yu memba wantaim NasFUND moa long 15 yias, takis em 2%. Yu memba 9-pela krismas go klostu long 15 yias, takis em 8%. Yu memba 5-pela krismas go klostu 9-pela krismas em takis sanap olsem 15%.

Em ol dispela mak bilong takis taim yu rausim seavings bilong yu wantaim NasFUND.

Bipo long 1993, takis bin stap long 2% mak long olgeta pinis pei bilong ol wokmanmeri bilong PNG. Bihain long dispela, gavman bin apim takis mak go antap long 35% na moa we yumi kisim na pilim nau.

Plantu wokmanmeri bin autim ol pen na hevi bilong ol pinis long niuspepa na radio long dispela olsem na Nesenel Gavman i makim pinis Taxation Review Committee em komiti bilong tupela biknem takis man long PNG Sir Nagora Bogen na David Sode long skelim na tokaut..

Wantok i askim opis bilong Papua Niugini Internal Revenue Commission (IRC) long mekim klia dispela toktok bilong takis tasol ol i no mekim wanpela bekim kam bek yet.

Namel long ol askim em Wantok laik save sapos dispela Taxation Review Committee bilong glasim ol takis bilong kantri i glasim tu dispela takis we i save bagarapim pinis pei bilong ol wokmanmeri bilong Papua Niugini o nogat.

Naru i sapotim Asailum Sika dil

... Watpo na nogat awenes na dibeit

TOKTOK long ol Asailum Sika i pairap strong yet long PNG na Australia, bihainim sainim bilong agrimen namel long PNG Gavman na Australia we PNG i tok orait long kisim ol Asailum Sika i kam, na sapos ol i tru tru Asailum Sika, ol bai sindaun long dispela kantri. Plantu tok agensim i kamap long dispela dil, tasol i gat sampela sapot long en.

Morobe Gavana Kelly Naru i sapotim tingting bilong gavman long kamapim asailum sika pros-esing fasiliti long Manus provins. Na em i askim ol lain husat i no wanbel long dispela agrimen long skelim gut tingting bilong ol pastaim.

Em i tok aninit long dispela agrimen Morobe provins bai gat sans long Australia i wokim kamap nupela Angau Memorial Haus sik we bai givim sevis long ol pipel bilong

yumi na Lae bisnis komyuniti.

Gavana Naru i tokaut olsem i gat plantu gutpela bilong dispela agrimen bikos Australia bai helpim tu long stretim na putim kolta long rot stat long Watarais long Morobe i go olgeta ong Madang.

Em i tok bai i gat ol arapela helpim tu i kam long Australia long helpim Manus provins na tu Lo na Jastis sekta long kantri.

Narapela man, Sam Moko bilong Mosbi i tok pastaim long sainim agrimen, i mas gat awenes wok, konsaltesen na luksave namel long tupela grup pastain na bihain ol i wanbel, ol ken sainim agrimen.

Mista Moko it ok dispela Asailum Sika dil em i wanpela piksa i soim olsem gavman i feil long kisim tingting bilong pipel bikos dispela bai gat kikkbek long laip bilong pipel.

Em i toki PNG Asailum Sika dil i olsem tasol Australia i baim narapela kantri long rausim ol bikipela hetpen bilong em.

Em i tok bikos plantu pipel long PNG i nogat gutpela skul na ol i no klia tumas long ol samting, pipel i no wokim plantu toktok long en.

Em i tok bikos ol no bin paitim toktok long dispela samting long bPalamen o ausait, plantu i bin kirap nogut taim tupela lida i sainim pinis.

Mista Moko it ok moabeta gavman i kenselim dispela dil na noken kisim tu mani8 i stap insait long agrimen inap ol pipel bilong dispela kantri i wanbel long em.

Emi tok Australia i save long wok gavanens na menesmen level moa yet, long ol developmen fan.

Em i tok Australia i putim kondisen long rot bilong PNG Gavman i yusim mani long en i bikipela

samting.

Long wankain taim, Peter Gary em i dairekta bilong Milenium Gud Govanens Oganaisesen na wanpela maus man bilong NGO i save bes long Pot Mosbi, na Goroka i tok ol Asailum Sika long PNG i mekim PNG olsem wanpela ples bilong tromoi rabis bilong Australia.

'Praim Minista i mas save olsem PNG i gat ol hevi bilong em yet. Sapos yu lukluk raun, bikipela populesen bilong PNG i nogat inap mani na sampela i wok long raun nating long strit.

"PM i mas inapim laik na nid bilong ol lain bilong em yet, pastaim long em i ken givim kaikai long ol refuji bikos ol dispela lain i kam ya em ol muslim na ol teroris na Australia em i save gut long dispela. Ol bai tanim na kilim yumi ken," Mista Gary i tok.

PM givim K50m moa long NCD rot

Stanley Nondol i raitim

BIKPELA developmen bai kamap long rot wok long Nesenel Kepitol Distrik long mekim ron bilong kar isi na daunim hevi bilong trefik jem we i wanpela bikipela hevi tru long Mosbi siti nau.

Long daunim dispela ol hevi, Moto Vikel Insurens Limited o MVIL i givim K50 milian long helpim NCD long stretim rot na mekim ol nupela rot long siti long opim trefik jem insait long siti.

Praim minista Peter O'Neill, long makim maus bilong MVIL i tokaut long K50 milian we bai kam long MVIL long helpim Mosbi siti rot na givim giaman sek long NCD gavana Powes Pakop na Mosbi Not Wes memba, Michael Malabag na

Mosbi Saut memba, Justin Tchencko long dispela wik Mande long Palamen haus.

Praim Minista O'Neill taim tokaut long K50 milian, i tok bikipela developmen bai long ol rot wok na long ol arapela infrastaksa developmen long Mosbi siti long kantri ken stretim siti long bungim bikipela intanesenel bung bai kamap long 2015 Pasifik Gems na 2018 APEC miting.

Long dispela Mista O'Neill tok klia olsem nesenel gavman bin tokaut long mani mak long K100 milian long NCD rot long 2013 baset na dispela K50 milian bilong MVIL em kam insait long 2013 baset bilong gavman.

Long dispela yia yet Nesenel Fiseris Atoriti o NFA bin givim K50 milian long NCD rot.

Wankain taim, long namba 4 mun long dispela yia taim praim minister O'Neill tokaut long K50 milian long NFA long sapotim NCD rot bin tokaut tu long Nesenel Eksektiv Kansol disisen long K400 milian long mekim tupelo bikipela nupela rot long Moisbi long daunim hevi bilong trfik jem na redi long 2015 Pasifik Gems na 2018 APEC miting.

Dispela tupela nupela rot em ol givim long tupela kontrakta bilong kantri Saina.

Narapela rot em bai long 9 mail i go long Morata na narapela em bai long Erima i go long 9 mail. Dispela bai opim rot na ol kar bai skelim go kam long yusim dispela rot na bai skelim o opim insait rot long siti na trefik jem bai kam daun.

Long wankain taim, Praim Minista O'Neill tokaut olsem nesenel

gavman i givim K15 milian long mekim stadi long surukim Hailens Haiwe go long nupela rot.

Dispela seksen bilong Hailens Haiwe em long Asaro long Isten Hailens i go long Kerowagi long Simbu provins na long Watarasi long Morobe go long Kainantu long Isten Hailens.

Mista O'Neill tok moa olsem gavman bai putim moa mani long 2014 baset long stretim ol rot insait long siti na long Hailens Haiwe na tu long ol arapela bikipela haiwe long kantri.

Wankain taim oposisen I tok strong olsem gavman I wok long yusim bikipela pablik mani long NCD rot na plantu rot olsem hailens haiwe na tu ol arapela infrastaksa long plantu distrik I go bagrap na gavman I no lukluk long stretim.

Wapenamanda sainim Distrik Yut Plen



L-R Minista Rimbink Pato na Yut Kominisa, Norit Luio i soim agrimen.

WAPENAMANDA Distrik Yut bai go pas long yusim Enga Provinsel Yut Plen, bihain long memba bilong ol i sainim agrimen wantaim Nesenal Yut Komisn long Tunde 6 Ogas.

Bihain long ol i sainim agrimen, insait long B Wing Konprens Senta bilong Haus Palimen, Foren Afeas Minista na Memba bilong Wapenamanda, Rimbink Pato, i tok em i bin toktok

planti wantaim Minista bilong Yut na Nesenal Yut Komisn long wanem kain we bai ol yut long distrik bilong em i ken kisim helpim aninit long 5 yia Yut Developmen Polisi bilong nesen.

"Mi tenkyu long Yut Minista na Komisina long harim wari bilong mi na nau mipela sainim dispela agrimen," Minista Pato i tok.

"Wapenamanda em i getwe bilong Enga Provins, na mi tenkyu long Yut

Komisn i sanap baksait long developmen bilong em. Getwe distrik i mas putim olgeta strong bilong em long senisim lukluk bilong em long soim gutpela piksa bilong provins," em i tok moa.

Em i tok, distrik bilong em i gat planti yut na i nidim sampela gutpela samting long surukim ol i go het long kirap na mekim wok long olgeta rurel developmen.

Yut Kominisa, Norit Luio i tenkim Minista Rimbink na

gavman bilong Peter O'Neill long sapot ol i givim i kam inap nau long helpim ol yut insait long nesen.

"Mi amamas tru long minista i givim taim bilong em long kam na sainim dispela agrimen pepa. Em i soim tru olsem yu gat bikpela tingting long distrik bilong yu, olsem wanpela memba bilong gutpela gavman," Mista Luio i tok.

Tupela meri winim kaunsil ileksen long Madang

WANPELA strongpela meri bilong toktok na tu soim wok bilong en long informal sekta, Freida Pomat i winim sit olsem kaunsil bilong wod 3 insait long Madang taun.

Misis Pomat wantaim nara-pela meri Martina Barum i winim sia long Madang taun wod na rausim ol man husat i sanap pastaim.

Win bilong Pomat i soim tru olsem em strongpela meri long sait long planti lain i save long em, bihain long em i daunim deputi taun meya bilong Madang, Chris Tomongo na winim dispela sia long holim wok olsem kaunsila bilong wod 3 insait long Madang taun.

Dispela win bilong dispela meri e mol lain bilong PNG Ilektrik Komisn long taim long kaunim i kolim namba wan taim tru long ol arapela wod insait long Madang taun.

Frieda em wanpela pikinini meri bilong wanpela papa bilong Markham nem bilong em Namus, na em i wok pastaim long Woks Dipatmen long Madang. Famili bilong Namus i save stap long Nu Taun long Tarangau Strit eria long bipo.

Frieda i marit long Manus provins na em i gat 5-pela

pikinini na em i wok pastaim long pablik sevis na bihain i go mekim praiwet wok bilong em yet na wanpela strongpela mausmeri long komyuniti em i stap long en long Madang taun.

Frieda i tok olsem em i save yet taim em i putim nem long nominesen olsem em bai winim ileksen bilong kaunsil, na oltaim em i save prea tasol long Papa God i givim strong long em.

Em i tokaut bihain long deklereesen bilong en long las wik Tunde olsem bikpela plen bilong en nau em long bringim pawa na wara saplai i go long Gagasi setelmen insait long wod em i sanap long en.

Win bilong Martina Barum long wod 2 i lukim dispela strongpela mausmeri i win long 140 vot abrusim man kenidet Derrick Manu.

Gavana bilong Madang, Jim Kas husat i stap long taim bilong deklereesen i tok amamas long tupela meri na i tokaut tu long tingting bilong em olsem plen bilong gavman long putim 22 risev sit long palamen i no gutpela. Dispela em bikos ol meri i ken soim strong bilong ol long winim ileksen na go makim pipel insait long palamen.

WESTERN UNION WU

Available@all BSP Branches Nationwide!

MONDAY - FRIDAY: 8:45am to 3:00pm

PLUS

Our FX tellers at **Waterfront Place & Vision City Mall** branches in Port Moresby are available 7 days a week:

MONDAY- SATURDAY :	9:45am to 4pm
FRIDAY :	9:45am to 7pm
SUNDAY :	10:45am to 2pm

320 1212 / 7030 1212
servicebsp@bsp.com.pg
www.bsp.com.pg



BSP
www.bsp.com.pg



GOILALA MEMBA: Daniel Mona i toktok long Kilakila Sekonderi skul Kalsa De. *Poto: Frieda Kana*

nius Mona bai peim projek fi long ol Goilala

**Frieda Sila Kana
i raitim**

Memba bilong Goilala Open, Daniel Mona i tokaut olsem em bai peim olgeta projek fi bilong olgeta Goilala sumatin i save skul long ol NCD skul stat long elementeri i go i nap long Yunivesiti.

Em i tok aut long dispela long taim em i bin kamap long Kila Kila Sekonderi Skul Kalsa So long makim O'Neill-Dion gavman na ol arapela

memba bilong NCD na Sentral Provins.

Mista Mona i tok em i laik helpim olgeta pikinini bilong Goilala long skul bilong ol bikos, ating long Sentral Provins na Papua Niugini, ol lain bilong em long Goilala i kam las tru.

Em i tok strong long ol Goilala sumatin long taitim bun na go het yet.

Long wankain taim, Mista Mona i tokaut olsem Septemb 16, indipendens De, Goilala distrik bai holim wanpela bikpela Kalsa So long

Tapini Stesin. Em i salim singaut bilong em i go long ol brata bilong Sentral Provins olsem ol Kairuku, Hiri na Abau long kam na bung wan taim.

"Yumi mas stap olsem Yunaitet PNG na kamap wanpela lida kantri long Pasifik na wol tu," Mista Mona i tok.

Em i tok dispela wik em bai peim olgeta projek fi bilong ol Goilala sumatin long Kila Kila Sekenderi Skul.

SP Bruri sapotim tupela kalsa so

TUPELA kalserel so i kamap long dispela mun i kisim K30,000 mani helpim long bikpela kampani i save mekim bia long kantri, em Saut Pasifik Bruri (SPB) Limitet.

Maun Hagen So long Westen Hailans bai ranim tupela de Hagen Kalserel So bilong em long Rabiamul Ragbi ovsl long Ogas 16 na 17 we SPB i sapotim wantaim manimak bilong K10,000, taim tupela de 2013 Sepik "Crocodile" o Pukpuk Festival i bin kisim K20,000 long holim so i bin stat aste Ogas 6 na pinis tude, Ogas 7, 2013.

Taim em i givim dispela K10,000 sekmani i go long Sia-

man bilong So komiti, Samuel Angimp em Evens Menesa bilong SPB, Abigail Popoitai, i tok kampani i sapotim so bikos em i laik bai pipel i holim pasim yet pasin tumbuna bilong ol na ol lain i kam bihain i ken lukim tu.

Mista Angimp i tok as tingting bilong holim dispela so em long promotim belgut pasin na yuniti namel long ol kalserel grup bilong Enga, Sauten Hailans na Simbu provins.

Em i tok moa long 100 kalserel grup bai i kam long Hailans, Morobe, Telefomin long Westen Provins na Mekeo long Sentrel Provins long soim ol gutpela tum-

buna bilas, samsam, singsings na stail bilong ol.

Mista Angimp i tok ol i lukluk long kisim moa long 400 PNG na ovasis turis i kam long dispela so.

Long wankain taim tu, SPB i bin patna wantaim Sepik Riva Crocodile Festival ov Arts Sosaiti long holim tupela de so bai pinis tude.

Dispela em i namba 7 yia bilong so na SPB i sponsaim long tripela krismas nau.

As tingting long holim so em long lukautim envaironmen o ol busgraun long Sepik Wara na promotim kalsa long dispela hap tu.

Digicel Faundesen bos i bungim ol patna

DIGICEL PNG Faundesen i bungim ol memba bilong Palamen na ol arapela bikpela patna long Mande 29 Julai, bilong luksave long wok patnasip bilong ol long olgeta wok developmen insait long PNG.

Dispela kibung i bilong givim sans long ol patna long stori long wanem kain tingting ol i gat long wok wantaim Digicel PNG Faundesen.

Ol memba bilong Palamen i bin putim hap mani long ol wok insait long ilektoret bilong ol, taim Faundesen i laik mekim ol komyuniti developmen wok.

Faundesen i bin askim Memba bilong Kompam-Ambum na Minista bilong Envaironmen na Konsevesen, John Pundari, Johnson Tuke, Memba bilong Kainantu, na Mehrira Kipefa, Memba bilong Obura-Wonenara. NCDC na Nesenal Geming Bot i makim ol ejensi husat i bin mekim ol wok patna tu wantaim Faundesen.

Dispela Kibung i givim taim long ol patna long bung na stori wantaim bikpela bos bilong Digicel Faundesen long wol i kam long Ireland, Maria Mulchahy.

Stori bilong ol i helpim bikpela bos long kisim sampela luksave long gutpela wok Faundesen i save mekim long PNG.

Gutpela piksa i bin kamap long dispela taim em long taim sikspela skul pikinini bilong isi Skul long Gerehu i autim UK sauns-raik progrem long we ol i harim na lainim rait na toktok long tok Inglis.

"Mi gat bikpela ona long wok patna wantaim Digicel PNG Faundesen bilong wanem mi skelim olsem wanem samting mi putim igo long ol projek bilong mi long ilektoret bilong mi em i kamap long taim wantaim liklik kos," Mista Pundari i tok.

Beatrice Mahuru, CEO, Digicel PNG Foundation i tok, "Mipela putim bikpela namba moa long ol patna bilong mipela. Olgeta gutpela wok i kamap olgeta yia, em long wok wanbel na helpim bilong ol patna tasol. Mipela bilip tru olsem, wantaim dispela patnasip, Faundesen bai putim lek mak bilong em i go moa yet long ol rurel sosaiti long ol komyuniti we i stap long ol namel ples nating, insait long Papua Niugini."

Long wankain taim, Faundesen i helpim tupela skul long wokim klasrum bilong ol.

Wanpela long Tapini, Sentral Provins na nara-pela long Lufa, Isten Hailans Provins.

Redtop Elementeri Skul long Lufa Distrik, Isten Hailans nau i kamap namba wan skul long kisim nupela disain dabol klasrum we i kos K140,000 wantaim helpim bilong Digicel PNG Faundesen.

Het tisa long Redtop Elementeri skul, Mista Sana i tok dispela klasrum nau bai sotim lek bilong ol liklik pikinini, long ol i noken moa wak-about tupela aua, long kisim skul long narapela elementri skul i stap long narapela hap.

Peter ToRot Paimereri Skul long Tapini, Goilala Distrik, Sentral Provins na Digicel Faundesen i lonsim tu wanpela nupela dabol klasrum i gat wara tang, 20-pela des long wanwan klasrum na tupela VIP toilet, sawa baket na pawa lait i kam long haidro pawa bilong Tapini yet. Em bin kostim Digicel K210,00 long wokim dispela klasrum projek.



REDI LONG SOIM KALSA: Sampela sumatin meri bilong Kilakila Sekonderi skul i redi long go samsam na soim stail bilong Sepik kalsa. Sepik Pukpuk Festival bai soim moa stail tumbuna Sepik kalsa. *Poto: Frieda Kana*

Yu gat askim long tit bilong yu?

Plis ringim "Askim Dentist bilong mipla"

Fri long 7303 2288 tasol

(Em fri long Digicel lain tasol. Ol narapela lain ba yu baim.)

namel long 9am na 5pm Mande i go lo Fraide inap long 30 Septemba, 2013

Tingting bilong pablik long ol Manus Asailum Sika

PLANTI toktok i wok long kamap yet long Australia na PNG long agensim pasin we Australia i mekim long salim ol asailum sika o pipel i ronawe lusim kantri bikos long woa na hevi, na ol i laik go sindaun long narapela seif kantri, i kam long PNG.

Stat yet long long tupela wik ti go pi9nis taim Praim Minista bilong Australia, Kevin Rudd na wanwok bilong em long PNG, Praim Minista Peter O'Neill, i bin sainim agrimen long Australia bai salim olgeta bot pipel i laik go long Australia i kam long PNG na sapos ol i glasim ol na painim olsem ol i tru tru refuji, ol bai sindaun long PNG, ol toktok i pairap i go i kam long Australia na PNG we i autim ol komplem olsem pasin Australia i wokim i no stret long tromoim hevi bilong em i kam long PNG.

Wantok i kisim tingting bilong ol manmeri long strit long dispela samting, na sapos ol i sapotim ol asailum sika i kam sindaun long PNG, o nogat. O sapos ol i no amamas na tok long sosel, humeniterien na humen rait sait, em i no stret.



CHARLES OSI i wanpela papgraun bilong Sandaun Provins i tok, "Long tingting bilong mi, mi ting olsem em i no gutpela.

"Praim Minista, Peter O'Neill, i mas tingim gut as tingting bilong wanem na ol dispela Asailum Sikas i wok long kam. Yumi no save. Planti ol kam long Muslim wol na yumi no save long bekgraun bilong ol.

"Long sekyuriti sait, em i nogut moa long ol teroris i kam long PNG. Nogut ol bai mekim sampela pasin bilong bagarapim yumi, long wanem, sekyurit sistem bilong yumi i no strong tumas.

"Ol dispela lain em, taim ol i kam na sindaun gut, ol bai ki-

rapim teroris wok bilong ol yet. Sapos ol i ken bomim Amerika na ol arapela kantri long wol, nogat samting stopim ol long mekim tu long hia.

Mi agensim tingting bilong asailum sika i kam sindaun long kantri. Long Manus nau, mipela i harim tok win long ol sampela hevi olsem, ol lain i stap long kea senta i wok long kamapim ol bom na pairapim i stap.

Taim yumi wanbel long ol i sindaun, nogut ol bai aplai long ful sitisensip na olsem sitisen ol bai gat rait long sanap long ileksen tu. Olsem wanem bai wanpela bilong ol i kamap Foren Afeas Minista o Praim Minista?" Charles i askim.



MARK SIL, em i *Wantok* Edministresen Menesa i tok, "Gutpela bilong ol Asailum Sika em bai yumi kisim moa iekonomik developmen long Manus na long ol arapela hap bilong kantri. Olsem bikipela ples balus long Manus na bikipela haus sik long Lae.

"Salens em, we o rot bilong prosesim ol asailum sika long Manus i no strong tumas. i gat ol rot i stap insait long Leiba na Employmen sistem long ol i bai kam sindaun. Nogut bai yumi wok long givim sitisensip long ol pipel we i noken kamap sitisen bilong dispela kantri.

"Sapos nogat, ol bai go long ol arapela kantri o long ol arapela provins. Nau tu, yumi gat ol Esia lain i kam stap na yumi i no nap long stretim hevi bilong ol. Na ol brata bilong yumi long Wes Papua tu i stap na yumi no traim long helpim ol yet," Mark i tok.



SANDRA MICAH i wanpela mama bilong Petats Ailan long Otonomes Rijen bilong Bogenvil i stap nau long Wod 3 bilong Pot Mosbi Jenerel Haus sik na lukautim sik pikinini bilong em, Kingston Micahi gat 9-pela krismas.

Sandra i pilim olsem sefti na spirituel sait bilong yumi long dispela kantri bai bungim hevi taim ol lain Asailum Sika husat i gat narakain bilip na laipstail i kam.

"Mi pilim olsem hevi bai kamap bihain taim long kantri bilong yumi sapos yumi larim ol Asailum Sika, moa yet, bilong Afganistan na Iran i kam sindaun long PNG.

"Tu, yumi gat hevi bilong yumi yet we yumi mas stretim pastaim bipo long tingting long kisim ol ausait lain i kam.

Sefti na sekyuriti i wanpela na narapela em long lotu sait we ol lain i laik kam hia em ol Muslim na ol i gat narakain rot long pre glasim wantaim yumi na PNG we i wanpela Kristen kantri," Sandra i tok.



KILA KURI i bilong Hagen, Westen Hailans, tasol em i stap long Mosbi i tok: " Mi pilim olsem dispela i wanpela bikipela samting long PNG nau.

"Praim Minista bilong yumi, Peter O'Neill, na wanwok bilong em mlong Australia, Kevin Rudd, i sainim agrimen pinis. Tasol PNG em i wanpela liklik kantri na hevi bai kamap taim ol Aailum Sika i kam.

"Mi na planti narapela manmeri long kantri i gat bikipela wari na mi no amamas bikos sapos ol i kam hait long PNG, kantri bilong yumi bai bungim hevi.

"Mi harim olsem planti pipel long PNG i no amamas long disisen we gavman i mekim bikos bilip na laipstail bilong ol i narakain," Kila i tok.

BEYOND BOUNDARIES SUNDAY, 6PM - 6.30PM

Topic of the week:

The Growth of the Fishing Industry in Papua New Guinea



FM100

PNC's Information & Music Leader

Text 1610

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MARIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAQIFU 100.2	MARKHAM 100.5	MT. KAINGUMA 107.1	PALMALMAL 100.6	TARI 100.5	WAU/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

Leit Joe R Kanekane go long ples



1

Kofin bilong Joe kam daun long balus.



2

Oi CS lain long Hagen karim kofin bilong Joe long Kagamuga ples balus.



3

Ples lain long Nebilyer i soim las rispet long Joe long bringim amamas long ol.



4

Joe Kanekane pulim lewa bilong planti liklik lain long Haiwe bilong Sauten Hailen na Westen Hailen.



5

Oi polisman bilong Imbogu karim Joe long go lusim long ol haus lain bilong em.



6

Kofin bilong Joe Kanekane i stap long haus krai long Imbogu stesen.

Oi Poto Nicky Bernard.



Hankais o lef han i go long hansut o rait han: Naomi Kelep, Naomi Myles, Popau Salaiau na Cassandra Peni putim iau long harim skul long taim bilong trening.

Gary Fagan i raitim

NESENEL Agrikalsa, Kwarantinar inspeksen Atoriti (NAGIA) nau i gat wanpela loa bilong ol wokman, meri i ken lukautim ol yet long wok ples bilong ol.

Dispela lo em ol i kolim Okupe-senel Helt na Sefti (OHS).

OHS Kodineta bilong NAQIA, Pamela Umbu i tok dispela trening em i nupela kain long ol wok lain bilong NAQIA, we ol lain bilong Sen Jon Ambalens i ronim long Jun 26 i

go long de namba 27, 2013. Nam-bawan trening long Jun i bin lukim 11-pela wok lain i sindaun long en.

Misis Umbu i tok, dispela progrem em i wanpela stretpela plen bilong kontrolim ol kainkain birua, na long we bilong stretim o luksave na ronowe long ol.

Dispela progrem i soim aut wok bilong wanwan, ol samting bilong yusim na ol we bilong larim ples bilong wok i kamap sef na helti. Nam-bawan wok bilong OHS progrem em long mekim helt na seft i kamap

hap bilong wok stail bilong ol long ples bilong.

Em i tok, wok ples i mas gat wanpela helt na sefti progrem i stap, bilong wanem dispela i ken stopim ol eksiden, bagarap na sik long wok, na i soim olsem papa bilong wok i gat tingting long lukautim gut ol woklain.

“Namba wan trening em i bikipela tru long OHS na em i tok strong long Ogensaisesen i mas gat Fes Eid rere long ol wok lain taim i nogat ed pos o haus sik klostu.

Sefti em bilong stopim birua na bagarap, tasol i no olgeta bagarap i kamap long wok ples em yumi nap long stopim,” Misis Umbu i tok moa.

Em i tok, “Namba wan fes ed trening ol i givim ol wok lain ol save ol i nidim long lukautim ol lain i sik o kisim bagarap long stap gut i nap gutpela helpim bai i kam.

“Sapos ol i givim fes ed lukaut i long lain i kisim bagarap long wok ples, em bai lukim ol i stap laip o bai dai.”

“Wankain, nau yumi lainim ol lain long fes eid pinis ol i mas bihainim

ol OHS polisi bilong NAQIA,” em i tok.

“Bilong wanpela wok ples i stap seif em i nidim tripela step long bihainim: step long stopim o daunim bagarap, gutpela fes ed saplai na stretpela fes eid trening,” em i tok moa.

Ol 11-pela wok man meri husat i kisim dispela trening i laikim tru bilong wanem ol i no harim tasol, nogat, ol mekim stret samting na ol i lainim planti na ol i tok ol narapela woklain bilong NAQIA tu i mas kisim dispela trening.

Kila Kila Sekonderi holim kalsa de

Frieda Sila Kana i raitim

PNG i ken amamas olsem pasin kalsa bilong em bai go het long wanem, ol pikinini i stat long priskul i go long sekonderi na teseri level i save holim pasim ol tumbuna singsing na danis long ol kalsa de bilong ol.

Fonde Ogas 1, Kila Kila Sekenderi Skul long Pot Mosbi i bin kamapim kalsa de bilong skul we ol i soim kain kain stail bilong Papua Niugini.

Olgeta provins i soim narapela kain ol hait stail bilong ol na taim ol i go insait long ples bilong singsing ol i no laik long kama ausait hariap. Planti nambis provins i go pas na ol hailans provins i wet longpela taim na sampela kros i bin kamap tasol maski ol i go het na i go singsing tasol.

Ol Madang grup i no bin planti na ol i bruk na sampela i go wantaim Sepik na sampela i go wantaim Morobe.

Prinsipel bilong skul, Mista Herman Panai i bin givim opisel adres taim

NCD gavana i no bin kamap.

Em i tok, Kila Kila Sekenderi kalsa de em i olsem wanpela liklik PNG Kalsa So bikos olgeta provinsel grup wantai Wes Papua na Atonomus Rijen ov Buganvil i kam soim stail bilong ol long danis na singsing. Em i tok, wekam long NCD Gavana na ol memba bilong palamen bilong NCD tasol ol i no kamap. Mista Panai i tok welkam long ol Bot Memba, Deputi Siaman Mista Manu Lewa na ol arapela eksekutiv bilong skul.

Em i tok tenkyu long Nesenal Geming Bot na ol arapela sponsa na tu ol papa mama na ol tisa. Em i tok dispela kalso so em Bod ov Gavana na P&C i sponsaim.

“Kalsa De bilong yumi em i bikipela samting. i nogat grup i win na i nogat grup i lus. Bilong wanem olgeta danis na singsing em i gat stail bilong ol i narakain yet long ol narapela. Olsem na mi tok, yu em spesel,” Mista Panai i tok.

AGRICULTURE TRACTORS

- Slashers
- Disc Ploughs
- Disc Harrows
- Post Hole Augers
- And Other Attachments

for Farming

PORT MORESBY: 323 7957 Digicel: 7215 0333 / 7217 9815 LAE: 472 6324 KOKOPO: 982 8748

machinery@agmark.com.pg

NASFUND FM100 TALKBACK SHOW

MONDAY - FRIDAY, 9AM TO 12PM

Participate and be heard on an open forum on National Radio

Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAI/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

BSP sapotim 00H wantaim K100,000

OPERESEN Open Hat (OOH) em i wanpela gutpela samting tru i kamap long helpim sevim planti lain long kantri, olsem na nau BSP Beng i kam gut wantaim K100,000 done-sen.

Kampani Sekreteri bilong BSP, Mary John, taim em i givim sekmani i go long ol lain i go pas long OOH i tok em i amamas long prisenim sekmani ya bikos em i bilip planti pipel bai i kisim laip gen.

OOH i givim bek moa long 700 Papua Niugini laip long we bilong operesen bilong lewa o hat, planti bilong ol i liklik pikinini tasol na ol yanpela man na meri.

Mis John i tok kliia olsem, beng i bilip ol liklik pikinini na ol yangpela em i ol i holim bihain bilong PNG, olsem na em i mas givim han long helpim ol long helt na givim ol nupela hop long bihain.

BSP i save helpim tu ol arapela gutpela wok olsem insait long Pot Mosbi na

long kantri.

Long Pot Mosbi Jeneral Haus sik tasol, BSP i givim han long kamapim bikipela na gutpela rum bilong wok bilong hat insait long Wot 7, nau em i save kamap wok ples bilong OOH program i nap long tupela yia. Nupela rum bilong hat sik i bin kamap long yia i go pinis, na em i wanpela tasol dispela kain rum long wanpela haus sik insait long kantri. Em i bin kos K100,000 tu long wokim.

OOH tim long Australia i save kam olgeta yia, na dispela yia i lukim 62 memba bilong tim i kam.

Insait long tim i gat ol dokta bilong katim man, ol nes, ol lain bilong stretim bodi long ekasesais na wanpela dokta i save long rait kaikai bilong ol sik lain.

Long PNG Kumul tim em i bin gat 50 memba ol dokta na nes i kam long olgeta hap bilong kantri. Ol i lainim planti samting long ol tim bilong Australia.



Olgeta lain i smail long taim BSP Kampani Sekreteri i givim K100,000 sek i go long Sif Eksekutiv Opisa (CEO) bilong Pot Mosbi Jeneral Haus sik, Grant Muddle. Poto: BSP Media Relations

Gabriel kisim helpim long MAF

PLANTI ples long PNG i stap longwe long ol maunten, bikbus na ol liklik ailan na i hat long kisim ol sevis olsem helt, edukesen na ol narapela moa.

Ol sios na ol Non Gavman Ogenaisesen (NGO) i save kisim sevis i go long ol longwe rurel na bus ples we gavman sevis i no inap go long ol.

Misinari Aviesen Felosip (MAF) i wanpela long ol sios ogenaisesen i sevim na helpim planti komyuniti long ol rurel eria insait long Hailans na Momase rijen.

Wanpela wik i go pinis, MAF balus i bin helpim wanpela yangpela man bilong Is Sepik i gat bikipela sua i go long kisim tritmen long ol nes na haus sik wok manmeri.

Gabriel em dispela yangpela man bilong ples Dau long rurel ples long Is Sepik na em bin gat bikipela sua long lek bilong em em bin kisim taim em i katim diwai na em i abrus.

I nogt rot na ples i stap long bikipela bus. Na sua bilong Gabriel i go nogut na sapos MAF balus i no mekim ron na wok bilong em long ol longwe ples olsem Sumwari klostu long Dau long Is Sepik we ogenaisesen i gat program

bilong em we em i wokim long hailans i go daun, Gabriel bai kisim bikipela bagarap moa.

Tasol taim ol pipel bilong ples Dau i harim olsem MAF balus bai wokim ron bilong em i go long ples Sumwari, ol i karim Gabriel i go wet long hap.

Na taim Pailot Mathias Glass i mekim ron bilong em i go long ples long sampela wok na tu, long karimaut sevis program bilong em, em bin kisim Gabriel i go long Niksek Helt senta.

Helt senta i save kisim tupela de long PMV i mekim ron long ples bilong Gabriel i go long en.

Tasol Niksek Helt senta i no nap long stretim sua bilong Gabriel bikos em i bikipela na bagarap nogut moa, na olsem, MAF balus i bin kisim Gabriel i go long Wewak Haus sik we em bin kisim tritmen long ol dokta na em i kamap orait. Bihain em i go long ples.

Tasol sapos MAF balus sevis i no stap, Gabriel inap long kisim bikipela bagarap moa na lusim lek bilong em long sua.



KALAP LONG

BALUS: Gabriel

wantaim sua

bilo9ng e mi laik go

i8nsait long MAF

balus na i sindaun

olsem long ol lain i

kisim poto long em.

Poto na Stori: SIL

Mesime komyuniti kisim gutpela wara saplai

KOIARI komyuniti long Mesime viles long 14 Mail ausait long Mosbi siti nau i ken gat gutpela seif na klinpela wara bilong dring, kuk na waswas long em aninit long Klinpela Wara bilong Dringim projek (CWFD) we Saut Pasifik Bruri (SPB) na Boroko Roteri Klab i patna na sapotim long em.

Long las wik, Minista bilonbg Komyuniti, Yut na Ril-ijen Minista, Loujaya Toni i bin opim K160,000 CWFD

projek we i bin kisim 4-pelamun long pinisim. Em bin stat long mun Mas, 2013 na pinis long mun Jun, 2013.

Komyuniti long Mesime yet i bin karimaut wok wantaim helpim bilong tupela meri enjinia bilong SPB.

Roteri Klab i no nupela long helpim ol komyuniti long dispela kantri i wokim ol gutpela klinpela na seif wara projek.

Pastaim Kairuku Hiri memba, Aihi Paru, i bin harim

krai bilong ol Mesime komyuniti long gat gtupela klinpela wara na i kisim sapot bilong SPB na Boroko Roteri Klab, na nau projek i karim stret kaikai ol pipel i lukim na kisim.

Long ol toktok bilong ol long opim projek, ol bik manmeri i bin tok gutpela klinpela na seif wara i bikipela samting pipel i mas gat long kamapim gut laip, sindaun na gutpela haijin o pasin bilong stap long ples i kiln na helti.



TENKYU : Ol bikman i gat long en pastaim Kairuku-Hiri Memba, Aihi Paru, pasto na ol arapela bikman bilong Mesime komyuniti i rausim karamap long dispela ston pleik long makim opening bilong nupela komyuniti gutpela wara projek. **Poto: SPB Midia**

GGP helpim Boera skol

OL SKUL pikinini na ol tisa bilong Boera Paimeris skol ausait tasol long Mosbi Siti bai kisim gutpela lainim na tok tenkyu i go long gavman bilong Japan ol i gat ol gutpela klasrum bilong sindaun na skol gut long ol.

Long las wik, ol bin opim wanpela stori dabel blok klasrum bilding blok na stoarum ol bin bildim wantaim K100,500 we gavman bilong Japan i bin givim aninit long Grasrut Grent Projek (GGP)long las yia.

Ambaseda bilong Japan long PNG, Hiroharu Iwasaki, long toktok bilong em long opim seremoni i bin tok skol bai yusim ol nupela klasrum nau na long planti moa yia i kam long ol skol pikinini na komyuniti i ken kisim ol gutpela samting long ol.

Em bin tok tu olsem dispela projek we ol i pinisim na opim bai strongim i go moa wok pren na patna namel long Japan na PNG.

Ol bin lonsim dispela GGP projek long yia 1989 wantaim as tingting long daunim turangu pasin na tu, long helpim ol komyuniti i karimaut ol grasrut wok.

GGP i helpim long strongim ol pipel na komyuniti taim em i kamapim gut edukesen na givim save bai helpim ol long mekim wok we bai kamapim gut laip na sindaun bilong ol. Dispela i wanpela samting tu we PNG Visen 2050 i laik lukim i kamap.

I kam inap long Mas 2013, GGP i fanin na karimaut 257 grasrut projek long PNG we ol NGO, lokal gavman kaunsel na ol narapela ogenaisesen i no save mekim mani olsem ol skol na ol haus sik i go hetim.

Manimak we gavman bilong Japan i givim insait long las 20 yia long helpim ol PNG komyuniti aninit long GGP inap long K37 milian.



Yut, Meri na Famili

**Pastor
Barbara Lunge**

Pawa bilong kirap bek long tripela de

KIRAP; soim lait; lait bilong yu i kam pinis! Na glori bilong BIKPELA i kirap antap long yu. (Ai-saia 60:1)

Man husat i gat wankain spirit i stap insait long olgeta seksen bilong ami bilong em, bai winim pait. (I kam long buk bilong Sun-Tzu, The Art of War)

Sios i selebretim pinis 2000 aniveseri bilong Jisas i kam daun long graun long kisim bek yumi. Sapos 1,000 yia em i olsem wampela de tasol long Bikpela (Buk Song 90:4, 2 Pita 3:8), em bai yumi tok olsem yumi pinisim tupela de tasol long stori bilong graun na nau bai yumi go insait long namba tri de. Namba tri de i gat bikpela mining insait long buk baibel. Hia bai yumi painim aut sampela tok tru long buk baibel olsem ol pikinini bilong God, i mas save olsem dispela spirit pawa bilong namba tri de em i bilong inapim olgeta dri-man bilong ol.

Namba tri de em de bilong kirap bek pawa! Nau taim sios i lusim “namba tu de,” pinis, yumi bai lukim nupela senis long spirit na pawa bilong kirap bek bilong Jisas. Em bai kam long winim na daunim ol pawa bilong ol spirit nogut we i save pasim ai bilong yumi long luksave long wok bilong God.

Ol dispela tok long buk baibel bai stretim tingting bilong yumi long bihainim ol taim na mak bilong dispela pawa.

- Bihain long tripela de bilong ol pipel i redi, Bikpela i kam olsem klaut i pairap na glori long Maun Sainai. (Kisim Bek 19:16,17)

- Long namba tri de, God i tromoi sedo i pundaun i go long baksait long soim Hezekiah (2 King 20:5-11)

- Nupela Testamen i tokim yumi long narapela bikpela pawa bilong kirap bek bilong Jisas bihain em i dai long tripela de. “Go i bin kirapim bek Jisas Krai long matmat. Na sapos Spirit bilong God i stap insait long yupela, orait long wok bilong Spirit God bai i givim laip long bodi bilong yupela tu, em dispela bodi bilong i dai. (Rom 8:11)

Tude Bikpela God i wok long singautim wan wan lain long givim olgeta tingting bilong ol long em na givim laip bilong yu olsem wampela sakri-fais i gat laip. Bodi bilong Krai i mas stap bung long wanbel pasin na bai God i kapsaitim bikpela pawa bilong em na bikpela welim moa.

- “Sapos ol manmeri bilong God i sindaun gut wantaim na i stap wanbel olsem ol brata tru, em i gutpela tumas, na ol i ken i stap belgut. Dispela pasin i olsem gutpela wel bilong diwai olive ol i bin kapsaitim long het bilong Aron, na i go daun long gras bilong wisket, na i go inap long arere bilong longpela klos bilong en. Pasin bilong wanbel i olsem wara bilong nait i pundaun long maunten Hermon na long maunten bilong Saion. Long dispela ples Bikpela i save mekim gut tru long ol man i stap wanbel. Em i givim ol laip bilong i stap gut oltaim oltaim.”(Buk Song 133:1-3)

God nau i singautim ol bilip manmeri long kirap wantaim preis na lotu na tok profet antap long nesen, provins, taun, siti, setelmen na ol ples. “Ol i ken singaut na amamas long God na holim bainat i sap moa. Na ol i ken pait long ol arapela lain, na mekim save long ol na daunim ol. Na ol i ken pasim ol king na ol hetman bilong ol birua long ol sen ol. Ol manmeri bilong God i ken win olsem tasol. Liptimapim nem bilong Bikpela! (Buk Song 149:6-9)

Long kisim moa save toktok wantaim Evangelis Barbara Lunge long 7633 1426 or 7107 5829. Raitim leta i kam long Evangelis Barbara Lunge, ROGIM,P.O Box 3063, Boroko. NCD.

merinius

Buai bisnis helpim ol meri

James Kila i raitim

MANI bilong buai i save helpim planti meri na pikinini long ples, na hauslain insait long planti hap long PNG.

Nau yet long planti ol viles na hauslain long Madang provins, buai i save bringim mani long sapotim ol liklik manmeri long ples long helpim ol long baim ol klos, skul fi, ol kaikai bilong haus na ol arapela bikpela samting long helpim sindaun na laipstail bilong ol long rurel eria.

Tasol bikpela pret nau i stap olsem wampela binatang nogut i wok long kilim indai ol diwai buai long sampela ples long kantri.

Na pret long Madang tu em olsem binatang nogut ya i kilim saplai buai long Markham Veli long Morobe na em klostu long Madang.

Olsem Dipatmen ov Agrikalsa na Laipstok na tu Nesenel Kwaretain na Inspeksen Atoriti (NAQIA) i mas lukim long painim rot long kilim indai sik o binatang nogut we i wok long bagarapim ol diwai buai long hap bilong Markham, na tu long arapela hap bilong kantri.

Long Madang sampela ol lain meri olsem Cathy Morgan wantaim Julie Andrias na ol arapela meri i save salim buai long rot-sait long helpim sindaun bilong ol wantaim pikininini na famili, na ol i laikim olsem gavman i mas mekim sampela samting long stopim dispela binatang nogut long bagarapim buai.

Nau yet Madang provins i save saplaim buai i go long Hailans rijen, na bikpela saplai bilong buai i save kam olsem long Not Kos rot (NCR) long Amele na Trens-Gogol, Ramu na tu sampela hap long Raikos na Long Ailan.

Planti ol memba bilong Nesenel Palamen i toktok long hevi bilong binatang nogut i kilim buai diwai long sampela hap bilong kantri olsem Manus, Markham na tu hap blng Morobe na Wes Nu Britein provins.

Memba bilong Manus, Ronnie Knight long las wik i go pinis i tok olsem wampela kain binatang olsem binen i wok



MERI BUAI BISNIS: Cathy Morgan wantaim Julie Andriaslong buai maket bilong ol. **Poto: James Kila**

long kaikaim ol buai na bagarapim ol long Amrik ailan long Manus. Dispela binatang i bagarapim tu kokonas diwai, saksak na oil pam.

Gavana bilong Madang, Jim Kas i tokaut tu long hevi bilong binatang nogut we i bagarapim

ol diwai buai long Markham.

Mista Kas i tok planti ol famili long rurel eria i save kisim mani taim ol i salim buai long helpim sindaun bilong ol long ples na taim kain hevi bilong binatang i kilim buai i kamap, ol bai kisim hatpela

taim stret.

Minista bilong Agrikalsa, Tommy Tomscol i tok dispela sik nogut o binatang we i bagarapim ol buai em sik i kam long arapela kantri bihain long tred i kamap long boda bilong yumi.

Raun Lukim ol Meri na Pikinini:

MURUK NA GRASHOPA:

Tupela yangpela pikinini man na meri i ekt olsem muruk na grashopa long wampela lotu seremoni bilong Luteran Sios long Boana Distrik seket, Morobe Provins we i bin kamap long las wik.

Poto: Paulus Tali



WYD pulim 5,000 Katolik yut long skul pater na sister ... Kamapim bikpela mani long Brazil

SAMTING olsem 5,000 yangpela Katolik pipel long olgeta hap bilong wol i bin wokim disisen long ofaim ol yet long kamap ol pater na sister.

Ol bin wokim dispela disisen insait long wanpela bung long pinis bilong long namba 27 2013 Wol Yut De (WYD) bung i bin kamap long wanpela wik long Rio de Janeiro, kapitel siti bilong kantri Brazil, Saut Amerika.

Long dispela, mak long 3,000 em ol yangpela man husat bai go long seminari skul long kamap ol pater, taim 2,000 em ol yangpela meri bai kamap ol sister long mekim wok bilong Bikpela.

Niokatekumental (Neocathecumental Way) We Ol lain i bin go pas long bung we ol yangpela i gat laik long go

insait mekim wok bilong Bikpela i bin stap long en.

Glasim dispela namba 27 WYD, Asbisop bilongh Brazil, Orani Joao Tempesta i tok wanpela wik bung na moa yet, wantaim stap bilong hetman bilong Katolik Sios long wol Pop Francis, bung i bin go gut stret .

Asbisop i tok planti senis i kamap na Copacabana Bis i bin “lukim planti pipel i bung wantaim bel isi i stap , amamas, lap na komitet o redi long wok strong long bildim gutpela wol.”

Asbisop Tempesta it ok ol gutpela samting we ol yut i laik mekim i mas go het.

“Yumi laikim ol yangpela pipel husat i kisim moa strong long WYD i skruim wok wantaim gutpela tingting ol i gat nau long mekim kontribusen

bilong ol long nupela wol,” Asbisop Orani i tok.

Ol rekot bilong Rio Asdaio-sis i soim olsem moa long 3.5 milian pipel i bin kamp long 2013 WYD long Rio long ol ektiviti o ol progrem i bin kamap long Copacabana, Quinta da Boa Vista, Rio Sentrel na ol peris insait long siti.

Long ol progrem we Pop Francis i bin go pas, 600,000 pipel i bin kamap long Julai 23, 1.2 milina long Juli 25, 2 milian long Julai 26, 3.5 milian long Julai 27 na 3.7 milian long Julai 28. Samting olsem 427 pilgrim long 175 kantri i bin kamap long dispela WYD.


Ol kantri olsem Brazil, Argentina, Amerika, Chile, Italy, Venezuela, France, Paraguay, Peru na Mexico i bin salim moa yut long dispela WYD long Rio.

Mak bilong 55 pe sen long ol lain i kamap long WYD Rio em ol meri na 45 pe sen em ol man.

I bin gat 60,000 volantia, 6,500 nius manmeri bilong 57 kantri, 264 ples ol i holim ol katekismo long 25 tokples, 100 ples bilong harim konpesio, 4 milian hostia bilong komyunio ol bin wokim, 644 bisop na 28 kadinel, 7,814 pater, 632 dikon, na 55 pe sen long ol lain i bin rijista long dispela WYD na kamap em kris-mas bilong ol i namel long 19 na 34 yia.

Long sait bilong ikonomi o mani, Ministri bilong Turisim i rekotim olsme ol visita i bin tromoim US\$1.8 bilian na ol narapela em \$780 milian.

Narapela WYD long Krakow, Polan bai kamap long 2016.



Karim poteto

LONG namba wan Fraide bilong Mun Ogas 2013, mi bin wokim Santu Misa bilong onaim Santu Hat bilong Jisas wantaim ol sumatin na tisa bilong Sen MaikelMichael Elementeri na Praimeri Skull long Hanuabada.

Mi bin wokim dispela stori long taim bilong Homili o stiatok long helpim sumatin long tingim ol i no laikim sampela manmeri.

Long wanpela de, tisa bilong wanpela Gret 1 sumatin i bin wokim wanpela pilai wantaim sumatin bilong em. Em i tokim ol; *“Tumora, taim yu kam long skul, yu mas bringim sampela poteto insait long plastik beg. Antap long poteto, yu mas raitim nem bilong man o meri yu no stret”.*

Tisa i kirap nogut tru, taim em i lukim olgeta sumatin bilong em i karim pastik beg wantaim poteto insait long en. I nogat wanpela i no karim plastik beg. Em i lukim olgeta poteto i gat nem i stap pinis. Sampela i gat wanpela tasol. Planti i gat tupela na tripela, sampela i gat 4-pela na 5-pela.

Em i bungim olgeta sumatin long asembli na i tok: *“Tenkyu long bringim plastik beg wantaim poteto. Nau harim! Stat long tude, yu mas karim dispela paestik beg wantaim poteto i go long olgeta hap yu go long en. Taim yu go long toilet, karim em wantaim. Taim yu stap insait long klasrum, taim yu pilai, taim yu go bek long haus, insait long PMV bas, taim yu waswas, taim yu slip, na taim yu kaikai.....olgeta wok yu wokim na olgeta hap yu go, yu mas karim plastik bek wantaim poteto i gat nem long en”.*

Olgeta sumatin i harim na klia long dispela toksave. Ol i karim olgeta taim plastik na poteto.

Wanpela de.tripela de.faivpela de.wanpela wik i go pinis. Sampela sumatin i stat long komplem. Sumatin i karim 4-pela na 5-pela poteto i komplem moamoa yet. Bikos plastik wantaim poteto i kamap hevi na sting pinis. Smel nogut insait long klasrum, long taim bilong kaikai o long taim bilong slip na long olgeta hap ol i stap.

Tisa i harim komplem bilong sumatin bilong em. Bihain long wik namba tu, em i bungim olgeta sumatin long wanpela asembli gen na ol i kam wantaim plastik beg na poteto bilong ol.

Em i askim ol; “Husat i save klia long mining bilong dispela pilai bilong yumi?”. Sampela i bekim; *“yu givim panismen long mipela”,* narapela i tok; *“yu laik skulim mipela samting tasol mi no klia yet”* na narapela i tok, “Mi no save long mining bilong dispela gem”.

Tisa i tok tenkyu long olgeta bekim bilong ol. Bihain em i explenim mining bilong dispela gem. Em i tok: *“Tupela wik tasol yu karim poteto wantaim yu, na yu stat long komplem; em i hevi tumas, em i no mekim yupela i no fri. Taim poteto i bagarap na kamapim smel nogut yu komplem. Nau mi bilip yupela i lainim samting pinis. Sapos tupea wik tasol yu karim nem bilong man o meri yu no laikim/ yu heitim em; olsem wanem yu karim trupela nem bilong man o meri insait long bel bilong yu?”*

*Wankain tasol. Sapos yu karim pasin birua insait long bel bilong yu olgeta taim, yu bai pilim hevi na i no amamas tu. Mobeta yu bungim em na sekan wantaim em. Laip bilong yu bai kamap orait tasol”****

Bikpela Lutheran sios bung kisim K500,000 helpim

RAUN bilong Praim Minista, Peter O'Neill, i go long Madang Provins i wanpela gutpela nius long ol Lutheran Sios memba bilong provins long wanem , sios i kisim K500,000 manimak bilong holim bikpela bung bilong ol bai kamap long neks yia.

Sinod o bikpela sios bung bilong Lutheran Sios bai kamap long Karkar Ailan long Madang Provins long neks yia.

Planti manmeri i bin bung long ples Tuar taim Praim Minista O'Neill i bin mekim promis long givim dispela K500,000 manimak bilong helpim Sumkar Distrik bai ranim na lukautim bikpela sios bung long ailan.

Praim Minista i bin tok Lutheran Sios i mekim bikpela kontribusen long developmen bilong dispela kantri na mani



KATIM LONG OPIM: Praim Minista, Peter O'Neill, i katim riben long opim Ken Fairweather Hal long Karkar Sekonderi skul, Karkar Ailan long Madang Provins. *Poto: PM's Midia*

em i givim bai helpim sios long ranim bikpela bung bilong ol.

Em bin mekim wokabaut i go long ailan long soim sapot

bilong em long nau Sumkar memba, Ken Fairweather na long wankain taim tu, go pas long seremoni ol bin holim we

ol bikman bilong gavman i givim givim ol kakau (cocoa) sid i go long ol famili i save groim kakau long hap.

Long wankain taim tu, Mista O'Neill i bin go pas long seremoni bilong brukim graun long ples ol bai wokim wanpela taun long Dogowan Plantesen, opim Ken Fairweather hal long Karkar Sekonderi skul na tu, lukim prisentesen bilong 5-pela Yia Developmen Plen bilong distrik.

Em bin go lukim tu narapela biknem bisnis man bilong Madang husat i wkim bikpela kontribusen long kantri, John Middleton na meri bilong em long ples bilong ol long Kulili Estet taim em i go kamap long Karkar Ailan pastaim em bin mekim ol lukluk raun bilong em long ol narapela hap bilong ailan.

Wokaton bilong ol Menyamya Lutheran yut kamapim K28,000

Paulus Tali i raitim

I NO long taim i go pinis, Sen John's Peris yut grup bilong Menyamya Lutheran Sios i mekim wanpela wokaton i go long Pot Mosbi.

Ol 18-pela yangpela man wantaim ol 6-pela yangpela meri i bin mekim dispela wokaton.

Dispela wokabaut i bin kisim ol 8-pela de. Ol i statim dispela wokabaut long Menyamya na kamap long Bema insait long Kaintiba na bihain rot i kamap long Kerema bipo ol i kamap long Mosbi siti.

Ol i mekim dispela wokabaut long kamapim mani bilong baim ol instramen o ol gita samting bilong musik minitri

long sios bilong ol.

Long Mosbi, ol i mekim autris long wan wan Lutheran sios insait long siti na wan wan peris.

Palamen memba bilong Menyamya, Benjamin Philip i bin amamas na kra i wantaim na bungim ol yut memba long wanem, dispela em i namba wan taim long ol Lutheran yut bilong Sen John's Peris long Menyamya i brukim histri na wokabaut i go kamap long kapitol siti bilong PNG.

Insait long dispela wokabaut, waspapa bilong ol yut, em Pastoa Nelson Nfuya i go pas long ol long lukautim ol wantaim Tok bilong God, na givim stia long ol namel long rot.

Namel long rot ol i bungim

planti gutpela manmeri olsem long Kaintiba, husat i bin helpim ol.

Ol bin givim ol kaikai wantaim haus bilong malolo na slip bipo ol i skruim wokabaut bilong ol. Pastor Nelson Nfuya i tok ol yut grup i kamap long Bemal Katolik stesen na bihain ol i kamap long Kaintiba na katim i go kamap long Mosbi.

Dispela wokabaut bilong ol i gat pen wantaim, tasol ol i bungim tingting, wanbel na inapim dispela wok misin bilong ol. Long dispela wokabaut, ol yut i reisim K8,000.00, na palamen memba bilong Menyama i bin givim ol K20,000.00 long inapim dispela hatwok bilong ol.

Memba bilong ol i mekim



TOK PISIN NEWS
from Radio Australia

radioaustralia.net.au



Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(kHz)

7pm - 9pm 5995; 6020; 9710; 1280(kHz)



Polis i mekim wok patrol i stap long Bogenvil na boda bilong Solomons Ailan we bikpela wari i kamap we nogat wok was long hap.

Papua New Guinea bai statim nupela visa klas bilong sindaunim ol refuji

Foren Minista bilong Papua New Guinea i tok gavman bilong em i laik oraitim wanpela loa bilong kirapim wanpela nupela visa klas bilong larim ol refuji i ken sidaun insait long kantri.

I no long taim i go pinis, PNG na Nauru i bin sainim wanpela tok orait wantaim Federal Gaman bilong sidaunim ol refuji i kam long bot bilong go long Australia.

Ol lain Opposen i no wanbel tumas long dispela dil long wanem, em i soim olsem dispela ailan kantri i nogat wanpela pema-nen residensi visa klas.

Long mun i go pinis, palamen memba i sanap makim Manus Ailan em Ronnie Knight, i bin ting olsem ol bai noken sindaunim ol refuji long PNG long wanem, sitisensip rul bilong en i no tok orait long en.

Tasol Foren Minista bilong PNG, Rimbink Pato, i tok ol tok orait kantri bilong en i laik wanbel long en bai mas gat loa i givim tok orait long ol refuji long sidaun insait long kantri.

Em i tok sapos loa bilong PNG i luksave long ol olsemeol i trupela refuji, gavman bai tok oraitim wanpela loa bai givim luksave long ol refuji, o, ol i givim ol narapela klas visa aninit long loa bilong mipela.

PNG gavman i bin sainim Memorandum of Understanding wantaim Australia i wan-

bel long dispela dil bilong salim ol asailam sika i go long Manus Ailan.

Imigresen Minista bilong Australia Tony Burke i bin stap insait long Por Mosbi bilong lukim MistaPato i sainim ol dispela dil long aste apinun.

Mista Burke i tok tupela kantri wantaim i gat bigpela laik tru long pasim o daunim pipol smuggling o pasin bilong hait, kisim mani na salim ol pipel i go long bot long Australia.

Nau yet, Foren Minista Bob Carr i autim wari long loa bilong Papua New Guinea i tambuim homosexuality o pasin we man i prenim o maritim man.

Homosexual asailam sika husat i go kamap long Australia long ol bot em ol bai sidaunim ol insait long PNG, maski loa bilong kantri i tambuim ol.

Seneta Carr i tok dispela loa bilong PNG i no go wankain wantaim loa bilong Australia we i save luksave long ol kain lain olsem.

"Mi wari tasol dispela loa i bilong bipo na PNG i bihainim yet, "em i tok.

"Mi luksave tasol nogat senis i kamap long dispela, o ol i no sasim man long brukim dispela loa i tambuim pasin pamuk namel long ol man long PNG," em i tok.

Solomon PM i rijektim asailum sika askim bilong Australia

Praim Minista bilong Solomon Ailan i tok kantri bilong em i no laikim dispela 'Pacific

Solution' long ol Asailum Sika bilong Australia.

Solomon Ailan Praim Minista, Gordon Darcy Lilo, i tok nogat long kisim ol asailum sika bilong Australia i go long kantri blongen. (Credit: AFP)

Prime Minista Lilo i tok Solomon Ailan i nogat intrest long dispela nupela 'Pacific Solution' bilong prosesim ol Asailum Sika bilong Australia.

Ol lida bilong Papua New Guinea na Nauru i wanbel pinis long askim Australia long prosesim na kisim ol Asailum Sika sapos ol i lukim ol i tru tru refuji.

Tasol Mista Lilo i tok Solomon Ailan i gat len sistem we ol pipel i papagraun na kantri i wok long pinisim ol wan pisin hevi. Na em i no gutpela long kamap pat long dispela plen bilong Australia.

Mista Lilo i tok ol Asailum Sika i no laik go long kantri bilong em – ol i laik go long Australia na ol i mas rispektim dispela laik bilong ol.

Em i tok ol i kisim wanpela askim long ol diplomaet bilong Australia long dispela, tasol Mista Lilo i tok, gavman bilong em i tok nogat pinis long en.

Australia i sutim tok long ol pipol smagla long giaman long PNG

Namba bilong pipol husat i bin dai long laspela bot i kapsait long Indonesia i go antap long 13 na Home Affairs Minista bilong Australia i sutim tok long ol pipol

smagla long giaman long ol Asailum seeker Sika long nupela polisi bilong stopim ol bot long kam long Australia.

Home Afeas Minista Jason Clare i tok ol pipol sagla i wok long giamanim ol Asailum Sika long dispela 'PNG solution' polisi i Australia.

Mista Clare i tok em i harim sampela ripot long ol pipol smagla i tok long tokim ol Asailum Sika olsem ol i mas go long bot long Australia nau, bipo nambawan balus i kisim pipol i go long Manus Ailan.

Praim Minista, Kevin Rudd, i bin tokaut olsem olgeta Asailum Sika we i kam long Australia long bot, bai ol i salim i go long PNG bilong ol i prosesim o stretim ol pepa bilong ol, na sapos em i tru ol i refuji ol bai stap long PNG.

Wanpela liklik manki i gat 4-pela krismas i bin dai long dispela wik taim sip i karim ol Asailum Sika i dai.

Papa bilong e mi sori nogut tru na stori olsem dispela bot we i karim samting olsem 200 pipol i bin kapsait insait long bikpela solwara long sautwes blong Java long Tunde apinun.

Namel long husat i bin dai em i sampela pikinini husat i gat 3 pela krismas. Em i bin go wantaim mama blong em long dispela bot.

Papa Baremithan Balamanan i bin wok olsem wanpela leba long fektori long taim em i kam long Australia long 2009.

Papa blong dispela pikinini, Naradasa Balamanan bilong Sri Lanka i tokim ABC olsem em i no save olsem na pikinini blong em i go long dispela bot inap long meri ia i toktok long em long telefon en na i tokim em bot i kapsait na pikinini i dai.

Solomon Bogenvil boda wari

NOGAT gutpela wok was long Bogenvil na Solomon Ailan boda i stap yet na i wanpela bikpela wari.

Sif Inspekta Andrew William bilong Buin Polis i toktok tu i bin kam long John Itanu Eksekyutiv Menesa bilong Buin. Boda mak namel long Otonomes Rijen bilong Bogenvil na Solomon Ailan i stap yet olsem bikpela wari we nogat gutpela wok was i save kamap long en.

Olsem na wari long brigim hait ol gan, drag na pipol i stap olsem bikpela wari long otonomes rijen.

Dispela em i toktok blong Executive Manager blong Buin distrik John Itanu. Em itok emi taim nau long ol autoroti i lukluk na stretim dispela wari long boda namel long tupela kantri.

John Itanu i tok long lukluk blong en na pipol long Saut Bogenvil em i no gutpela long ol kain kain samting nogut olsem ol gan na drag pipol i save bringim hait i kam insait long Bogenvil.

Em tok gutpela long lain olsem Bogenvil Boda Otoriti imas stap insait moa long wok bilong ol long lukautim dispela boda eria namel long Bogenvile na Solomon Ailan.

Narapela wari tu em polis long Saut Bogenvil i no planti long helpim ol opisa bilong Kastom na Boda Atoriti long mekim wok bilong ol.

PacificBEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

Mani noken pasim ai bilong yumi long hevi bilong ol Asalum Sika



GAVMAN bilong Australia i pulim lek bilong Papua Niugini gut tru wantaim bikpela mani we PNG ken go het na lukautim ol asalum sika o refuji lain long Manus Ailan. Dispela ovasis lain husat bin ronawe long kantri bilong ol em Australia laikim PNG long was long ol na stretim ol pepa na rekot bilong ol gut pastaim orait wanem samting tupela kantri bai mekim bihain em tupela ken mekim bihainim ol dispela pepa wok.

Tasol toktok i kamap klia pinis olsem sapos olgeta pepa wok bilong ol i kamap gut na luksave i soim olsem ol i trupela refuji lain husat i ronawe bikos long ol bikpela hevi na trabel long kantri bilong ol, orait ol ken stap olgeta hia long PNG o long ol Pasifik ailan kantri o Australia yet na stap olgeta.


Tingim tasol sapos planti bilong ol em ol trupela refuji na ol mas stap hia long PNG. Bai yumi putim ol long wanem hap graun na wanem kain wok bai yumi givim ol?. Na bai ol i wanbel long stap hia long PNG o ol Pasifik kantri o nogat?.

Bikpela as tingting bilong ol em ol laik stap long Australia. Olsem na ol bin

ronawe brukim bik solwara na makim stret long Australia. Nau Australia pulapim ol balus na kam tromoi ol hia long PNG

long Manus Ailan. I gat kainkain Loa bilong Humen Rait we i banisim tu intres na raits bilong ol dispela refuji lain we sapos

PNG i no bihainim gut na ol lain ya i bungim hevi em bai bikpela hevi na trabel stret long yumi. Tasol olsem Australia em bikpela



**ASAILAM
SIKAS
MANUS AILAN**

brata bilong yumi, ating em bai traim kainkain wei long stretim gut sindaun na wokabout bilong ol lain ya. Tasol PNG mas kisim bikpela hevi yet bikos ol lain ya i bungim hevi antap long graun bilong yumi.

Sapos yumi kisim ol lain ya na lukautim ol bai yumi putim ol long we tru?. Lusim long Makam long Morobe provins o antap long Magi Haiwe long Sentrel provins o long we tru?. Ol asples bai wanbel long givim graun bilong ol o nogat?. Australia Gavman bai baim kompensesen bilong graun tasol sapos ol lain ya stap na kamap planti, tru tumas bai planti hapkas pikinini bai kisim ples na sampela hevi moa inap kamap bihain taim.

Tasol husat bai givim graun long ol long wokim gaden, wokim haus na mekim arapela wok antap long graun bilong arapela lain?. Moabeta Gavman lukluk long putim ol long taun we em graun bilong Gavman na ol sevis bilong Gavman i stap. Em bai isi long wanem kain wok projek Gavman laik givim ol long mekim na lukautim ol famili bilong ol. Tasol Gavman mas tingim tu olsem em yet i nogat inap wok long givim ol planti pipol bilong em tude na planti nogat wok na raun nating na mekim trabel stap.

Bikos Australia Gavman i givim klostu wan billion (K1 bilion) olgeta, PNG Gavman i opim han long dispela mani na nau em sainim wanpela bikpela agrimen pinis wantaim

Australia long ol wok bilong lukautim ol refuji long Manus Ailan. Dispela em ol ovasis lain ya. Ol gat hevi na ol ronawe kam olsem.

PNG em yumi gat pasin Kristen i stap na tu pasin tumuna bilong yumi save mekim gutpela welkam tu long ol arapela husat kam nupela long hap bilong yumi.

Olsem na yumi no mekim planti toktok tumas long dispela toktok bilong ol ovasis refuji. Em ol lida long palamen na ol saveman bilong PNG olsem ol loya, sios na ol arapela wok long tromoi na skelim toktok na tingting go kam.

Tasol taim hevi tru bilong refuji i kamap em nau bai yumi olgeta pipol bai luksave na save gut long as bilong toktok na skelim tru gutpela na nogut bilong dispela wok bilong lukautim ol refuji o asalum sika.

Yumi mas skelim ol hevi bai kamap bihain na skelim kam bek long mekim gutpela disisen nau long sindaun na laip bilong ol dispela lain asalum sikas bikos nogut hevi kam na yumi kisim bikpela taim tru.

Tingim, hevi bilong graun ol bai stap long en, ol pikinini mas go long skul, ol mas kisim marasin, ol mas gat wok long lukautim ol yet na famili na arapela nid bilong ol tu i stap.

Noken seksek tasol long mani bilong Australia na yesa long olgeta toktok na laik bilong ol bikos yumi yet gat hevi bilong yumi stap long stretim we ol pipel bilong yumi wok long krai stap long gutpela sevis na developmen.

Bandong Peris holim tenksgiving

Paulus Tali i raitim

WANPELA tenks giving o tok tenkyu lotu seremoni i bin kamap long 24 Julai, 2013 we i bin bungim tupela Boana grup insait long Lae siti i givim ofa bilong mekim wok bilong sios.

Long dispela tenks giving, ol kongrigesen bilong Bandong Peris insait long Boana Distrik i bin bung wantaim ol Boana bilong Busu Peris insait long Lae long givim ofa bilong ol.

Pasin bilong tenks giving em i gutpela rot bilong kamapim mani hariap long mekim wok bilong wan wan peris.

Bihainim dispela rot, Bandong Peris i bin kam wantaim 4-pela trak pulap long kaikai wantaim manmeri long mekim dispela tenksgiving bilong ol.

Dispela tenks giving i lukim ol Kristen i bringim ol kaikai na mani i go wantaim singsing na givim ofa bilong ol long sios.

Wapela hetmeri em Margaret Tevam, i bin go pas long wok bilong lotu na opim dua bilong tenks giving i go het.

Insait long toktok bilong



GIVIM OFA: Tripela pikinini meri i go givim ofa bilong ol. **Poto: Paulus Tali**

en, em i tok strong long olgeta taim ol Kristen i mas pas wantaim Jisas Kraus, long wanem, dispela em i as bilong bung bilong ol Kristen long kain taim bilong yumi bung na givim samting i go long wok bilong Bikpela.

Em tok sapos yumi wan wan i givim samting i go long wok bilong God, bai yumi lukim blessing bilong Bikpela i kam long yumi.

Tasol yumi mas save olsem God yet i save mari-mari long yumi na givim yumi olgeta blessing insait long laip bilong yumi.

Em it ok yumi mas lainim ol pikinini long pasin bilong givim samting long sios taim ol i stap liklik yet.

Long dispela de, ol liklik pikinini tu i bin bilas na amamas wantaim na givim ofa bilong ol i go long sios bilong ol.

Dispela wok bilong givim ofa i go i kam i bin stat long 1999 taim ol Boana bilong Busu kompaun i bin stat na givim ofa i go long ol Bandong Peris.

As bilong dispela tenksgiving em long kirapim wanpela haus lotu long Bandong Peris.

Kaikai bilong dispela wok i kamap long yia 2000 taim ol i wokim nupela haus lotu wantaim mani mak bilong K25,000.00.

Insait long 2013, Bandong Peris i bin bekim dispela tenksgiving na givim ofa i go long ol lain bilong Boana i stap long Busu Peris, Lae siti.

Ol Boana i stap long Busu Peris tu i laik wokim ekstensen bilong haus lotu bilong ol olsem na ol i singautim lain bilong ol long Bandong i kam givim ofa.

Ol Boana bilong Busu Peris i gat pinis K10,000.00, tasol ol i nidim samting olsem K30,000.00 moa long stretim olupela haus lotu bilong ol.

Kaikai ol i bungim long dispela tenksgiving de em ol i givim i go long ol pasto, evanjelis, hetman na hetmeri bilong Busu kompaun.

Dispela i sapotim ol long sanap strong na mekim wok bilong sios.

Ol mama bilong Suqang insait long Kate tu i bin stap na witnesim dispela de bilong givim ofa bilong ol. Dispela i soim sain bilong ol tumbuna lain long Kate i bin bringim Gutnius i go long Boana distrik.



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500
Websait: www.wantokniuspepa.com
Pe bilong wanpela yia, 52 niuspepa

**Pe bilong wanpela yia
52 niuspepa**

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Seifti bilong ol asailum sika long Nauru i no klia tumas

Ol paيمان kilim dai paia na stretim hap ples we ol asailum sika i bin slip na stap long en. Bikpela protes na raiot i bin kamap na ol i bagarapim ditensen senta bi-long ol asailum sika long Nauru las mun. Paim Minista Kevin Rudd i sainim wanpela agrimen wantaim Presiden bilong Nauru long kisim ol asailum sika na glasim ol long Nauru na painim graun long lukautim ol tu. Dispela wankain agrimen we PNG tu i bin sainim wantaim Paim Minista Peter O'Neill.

Ol i painim tripela bodi long bot kapsait long indonesia

Ol Maritaim opisal i trenspotim bodi bilong tripela bodi husat i dai long bot i kapsait long solwara. Ol bilip dispela tripela bodi i bilong bot we i karim 44 manmeri i kapsait long Malaysia Sauten Johor stet . Bikpela wok painim kamap long Indonesia long ol dispela birua. 37 bodi i stap yet long solwara. *(AFP: Malaysia Maritaim)*



Japan i lonsim roket

Ol Japan i lonsim wanpela kago roket, H-2B long lons pad long Sauten Ailan bilong Tanegashima long Ogas 4 2013. Ol lonsim dispela roket wantaim sampela kago bilong kru husat i stap long Intanesenel Speis Stesen wantaim wanpela liklik robot husat bai pren long wanpela astronot bilong kantri.



Poroman Robot

Sanap em wanpela liklik robot 34 sentimita tasol na hevi bilong em wan kilogram tasol. Kirobo em nem bilong robot na em i save long tokples bilong Japan tasol na em bai holim ol rekot bilong wok na toktok wantaim Wakata, fes man bilong Japan i kamap astronot na stap antap long Intanesenel Speis Senta. Hia em sanap wantaim man husat i kamapim, Tomotaka Takahashi. *(AFP: Yoshikazu Tsuno)*

Yu ting wanem long Asailum-Sika procesing senta long Manus Ailan???

James Kila i raitim

WANTOK NIUSPEPA i mekim wampela askim na bekim long kisim tingting bilong ol manmeri long kantri long wanem tingting ol i gat long disisen bilong Praim Minista, Peter O'Neill long sainim wampela agri-men wantaim Praim Minista bilong Australia, Kevin Rudd long kamapim asailum prosesing senta long Manus ailan long PNG.

'Asailum Sika' em ol lain husat kantri bilong ol i gat hevi bilong pait na birua, politikol hevi, nogat graun na ol arapela hevi na ol manmeri i ronawe lusim ples long painim arapela kantri long go sindaun na painim gutpela laip.

Praim Minista Peter O'Neill i tokaut olsem em bai go het long dispela samting maski olsem planti toktok i kamap namel long ol pipel bilong PNG.

PM O'Neill i tokaut klia olsem nogat ol dispela lain asailum sika husat i kam long PNG we ol bai prosesim bai i kamap hariap tru olsem sitisen bilong PNG.

DICKSON Yoga bilong Usino-Bundi distrik long Madang i tok olsem em i no amamas long dispela tingting bilong Gavman bilong PNG long bringim ol asailum sika o lain bilong autsait i kam long PNG. "Dispela tingting bilong gavman i no gutpela tumas bikos ol lain bilong arapela kantri bai groim populesen bilong PNG na bai yumi gat kain kain hap-kas pikinini pulap long PNG.

MATHEW YAKAI bilong lalibu long Sauten Hailans i tok olsem namba wan samting tru em dispela asailum-sika hevi em hevi bilong Australia. Na bikipela samting yumi ol PNG na Gavman bilong yumi mas save em olsem dispela ol lain husat i ronawa long kantri bilong ol long bot em bikipela bilong bilong ol em long go sua long "Australia". Ol i no tingting long kam long PNG.

Australia i wok long traim long soim rijinol pawa bilong en long Pasific na em i yusim AusAID olsem wampela tul long grisim ol arapela kantri olsem PNG long helpim em long ol hevi bilong en. Na long dispela PNG i mas luksave olsem AusAID em i no trupela halivim, bikos Australia i yusim dispela long grisim tasol arapela kantri long stretim hevi bilong en. Namba 3, em planti long ol dispela asailum seekers em ol bilong Sri Lanka, Pakistan o Arab em ol dispela hevi em ol Westen pawa i kamapim long Wol Wol 2 olsem Amerika, Briten na ol arapela, na Australia olsem wampela Alaid na taim hevi i kamap insait long ol kantri, ol manmeri i ronawe na painim, na ol Westen pawa i, na ol i tromoi dispela hevi i kam antap long ol developing ekonomi na dispela em i no fea. Na narapela em PNG mas soim rijinol pawa bilong en, olsem PNG i gat posisen bilong en yet na noken larim arapela bikipela kantri traim long tokim em long wokim samting na bringim hevi bilong ol i kam long PNG. PNG i mas soim rijinol pawa bilong en na mast ok nogat long Australia sampela taim. Na Australia PM Kevin Rudd i yusm dispela long kempein bilong en.

CHESTER KILA long Lae i sapotim dis-



ALLAN Wahwah



MATHEW Yakai



DICKSON Yoga



JEFFREY Vingu

pela tingting long bringim ol gutpela lain refuji tasol i kam long kantri bilong yumi. Em i tok PNG em Kristen kantri na yumi mas soim pasin bilong laikim na helpim. Olsem na sapos prosesing senta long Manus i skelim olsem ol dispela lain asailum sika i kam long bot na Australia i salim ol i kam long PNG i gat gutpela refuji status, orait em gutpela long yumi kisim ol na lukautim ol. Chester i tok tu olsem PNG gavman i mas putim tu wampela mak long namba bilong ol lain bilong ovasis ol i kisim ol i kam.

JEFFREY Vingu i no amamas long dispela agrimen bikos PNG save lukluk tasol long Australia long helpim. Em taim nau PNG mas sanap long lek bilong em yet na kamapim developmen long wan wan provins bilong en long kantri. Praim Minista Peter O'Neill mas noken yusim pawa bilong Australia long bringim samting i kam long PNG. Ol dispela lain asailum sikas i laik go long Australia long stap long laipstail bilong Australia. Ol i no laik long kam long PNG, na bilong wanem na Australia laik tromoi ol i kam long graun bilong PNG?

ALLAN Wahwah bilong Tong ailan long Manus provins i sapotim tingting bilong prosesim ol asailum sika long Manus provins bikos em bai helpim ekonomi bilong Manus. Em i tok olsem nau yet Lutheran Siping i no moa go long Manus na bisnis na wok infrastraksa i pundaun na kamap bilong prosesing senta long Manus bai givim bisnis i go long ol pipel. Em i tokaut tu

olsem nau yet PNG i lukim planti ol infrastraksa i bagarap na mani long kamapim gen ol dispela samting i save hat tru. Olsem na kain agrimen we bai lukim Australia bai helpim PNG long stretim Angau Hausik, na stretim rot na putim kolta long Watarais i go long Madang em gutpela long sait long ekonomi bilong kantri bilong yumi.



Wampela praimer i skul tisa **ANGELYN McCLAY** bilong Madang provins i tok olsem em i no amamas long dispela agrimen praim minister O'Neill i sainim bikos long pastaim Australia i luk-daun long PNG na i no bin wokim planti ol bikipela

samting olsem gutpela bris na rot na ol bikipela projek. Tasol bihain long ol kantri olsem China i kamapim investmen bilong ol long PNG, Australia i guria tasol na i laik bringim hevi bilong em i kam long PNG na i laik givim helpim long ol bikipela projek taim yumi lukautim ol asailum sika. Em i tokaut olsem long pastaim Australia i lukim PNG olsem ol 'bus kanaka' na i no wokim gutpela rot na tu ol bris. Em i tok wampela gutpela piksa tru ol wan-lein simen bris long ol rot long PNG. Em i tok Australia i laik larim yumi kam baksait long developmen na i no wokim ol samting we long bihain taim. Angelyn i tok tu olsem PNG i gat planti ol risoses bilong en long kisim mani, na long wankain taim tu PNG i gat planti ol arapela hevi long lukluk long en olsem lo na oda, na taim asailum sika i kam long PNG i soim olsem Gavman i sindaun tasol na wetim mani. Moabeta, PNG yet i mas tuhat na kisim mani, na noken sindaun nating na wetim fri mani i kam long Australia. Narapela samting tu em PNG i gat hevi long lukluk long en olsem lo na oda hevi, planti manmeri nogat wok na ol arapela. Olsem na bilong wanem larim ol. Em i tok olsem dispela ol asailum-sika long bihain tai m ol i ken bringim hevi long kantri bikos tumbuna tru bilong ol ino bilong PNG na ol i ken bagarapim ples bilong yumi na ol pikinini na tumbuna long bihain taim.

RADIO AUSTRALIA TOK PISIN PROGRAM
HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Spots
7.30PM Nius na Karen Afeas
8PM Helt
8.15PM Musik
8.30PM NIUS
8.40PM Spots Riplei
8.55PM Musik
9PM Stesen Pas

TUNDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Mama Graun
8.15PM Musik/Spots
8.30PM NIUS
8.40PM Helt Riplei
8.55PM Musik
9PM Stesen Pas

TRINDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Focus
8.15PM Musik/Spots
8.30PM NIUS
8.40PM Mama Graun Riplei
8.55PM Musik
9PM Stesen Pas

FONDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Youth
8.15PM Musik/Spots
8.30PM NIUS
8.40PM Focus Riplei
8.55PM Musik
9PM Stesen Pas

FRABDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Wantok
8.15PM Musik
8.30PM NIUS
8.40PM Youth Riplei
8.55PM Musik
9PM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Wantok
8PM Lokal Ben
8.30PM Nius
8.40PM Musik/Chit Chat
9PM Stesen Pas

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Femili Blong Serah (Radio Plei)
8PM Lukluk Bek Long Wlk
8.30PM Nius
8.40PM Musik/Chit Chat
9PM Stesen Pas

Raun wantaim Wantok kru ...

Eagle Boys pizza kam long PNG



EAGLE Boys Pizza em
wampela nupela kampani
husat ol save mekim
pizza bilong kaikai na
amamasim ol manmeri
na famili.

Dispela nupela kampani bilong Australia i wok bung wantaim City Pharmacy (CPL) na bikpela supa maket bilong CPL.

Dispela ples kaikai i stap insait long Stop N Shop supa maket long Sentral Waigani, na ol bin opim long wik i go pinis.

Planti manmeri husat i

go mekim shopping long
SNS bin ai op long lukim
dispela nupela Pizza
stoa we planti bin go
sanap long kaunta na
mekim oda bilong ol long
kisis na traim.

Sentral Stop N Shop
 nau i wok long lukim
 planti kastoma go insait
 long mekim shopping
 tasol bikpela tru em ol
 kisim ol famili bilong long
 go amamasim wantaim
 dispela nupela Eagle
 Boys Pizza we i kam
 stret long Australia.

Prais bilong em i no
dia tumas na wanpela
bokis yu baim bai inap
long amamasim liklik
famili bilong yu long eni
taim.

KAM TRAIM: Co Menesa bilong Stop N Shop Christine Wolstenholmi i holim wanpela liklik bokis pizza bilong em.
Poto Nicky Bernard.

EMTV Television Guide

<u>FONDE OGAS 8, 2013</u>		<u>TRAPPED YR 1 EP#14</u>		<u>Grade 7 Science</u>		<u>SARARE OGAS 10, 2013</u>		<u>SANDE OGAS 11, 2013</u>	
	5:30 PM G		<u>EMTV NATIONAL NEWS</u>	10:40am	Grade 8 Mathematics				
	6:00 PM G		<u>RAIT MUSIK</u>	11:20am	Grade 8 Science				
	7:00 PM G		<u>RESOURCE PNG EP#83</u>	1:00pm	Grade 6 Mathematics	4:57 AM G	<u>AUSTRALIA NETWORK</u>	4:57 AM G	<u>AUSTRALIA NETWORK</u>
4:57 AM G	<u>AUSTRALIA NETWORK</u>	8:00 PM G	<u>SOKA XTRA</u>	1:50pm	Grade 6 Science	6:30 AM G	<u>EMTV NEWS REPLAY</u>	6:00 AM G	<u>EMTV NEWS REPLAY</u>
5:00 AM G	<u>JOYCE MEYER</u>	9:00 PM G	<u>HOT SPOT EP#26</u>	2:30pm	DEPI Program	7:30 AM G	<u>ULTIMATE GUINNESS WORLD</u>	6:30 AM G	<u>IT IS WRITTEN "7128:</u>
5:30 AM G	<u>EMTV NEWS REPLAY</u>	9:30 PM PGR	<u>ELITE MUSIC ZONE EP#27</u>	3:30 PM G	<u>KIDS KONA</u>	8:00 AM G	<u>YOGA SUTRA Ep#20Rpt.</u>	7:00 AM G	<u>HILLSSONG – Ep#861</u>
6:00 AM G	<u>TODAY</u>	10:00 PM PGR	<u>NRL FOOTY SHOW</u>	<u>3:30 PM</u>	<u>HI 5 – S5 EP#33/33 (F)</u>	8:30 AM G	<u>Totally Spies Yr1 Ep #14/26 rpt</u>	7:30 AM G	<u>JOSEPH KINGAL MINISTRIES</u>
6:09:00 AM	<u>CLASSROOM BROADCAST</u>	11:30 PM G	<u>NEWS REPLAY</u>	<u>4:00PM</u>	<u>MAGICAL TALES EP#20/46</u>	9:00 AM G	<u>Dani's House Yr2 Ep #1/13</u>	7:45 AM G	<u>AUSTRALIA NETWORK</u>
9:00am	Grade 7 Mathematics	followed by the Australia Network		<u>4:30PM</u>	<u>Jay, Jay the Jet Plane #16/40</u>	9:30 AM G	<u>SkilliciousYr 2 Ep# 6/7</u>	8:00 AM G	<u>YOGA SUTRA Ep#21–</u>
9:50am	Grade 7 Science			5:00 PM G	<u>KITCHEN WHIZ</u>	10:00 AM G	<u>Trapped Yr 1 Ep# 14/26</u>	8:30 AM G	<u>BUSINESS PNG# 29 Rpt.</u>
10:40am	Grade 8 Mathematics			5:30 PM G	<u>LAST MAN STANDING Yr1.</u>	10:30 AM G	<u>Last Man Standing Yr 1 Ep</u>	9:00 AM G	<u>MARTIN MYSTERY – Repeat.</u>
11:20am	Grade 8 Science			5:55 PM G	<u>CRIME STOPPERS</u>	11:00 AM G	<u>AUSTRALIA NETWORK</u>	9:30 AM G	<u>OLSEM WANEM- Ep# 30Repeat</u>
1:00pm	Grade 6 Mathematics			6:00 PM G	<u>EMTV NATIONAL NEWS</u>	5:30 PM G	<u>OLSEMWANEM Ep#30</u>	10:00 AM G	<u>RESOURCE PNG –Ep# 83Repeat</u>
1:50pm	Grade 6 Science			7:00 PM G	<u>IN MORESBY TONIGHT</u>	6:00 PM G	<u>EMTV NATIONAL NEWS</u>	11:00 AM G	<u>ITALIAN FOOD Ep# 6/13</u>
2:30pm	DEPI Program			7:30 PM G	<u>NRL ROUND 22</u>	6:30 PM G	<u>NRL ROUND 22</u>	11:30 AM G	<u>AROUND THE World IN 85</u>
3:30 PM G	<u>KIDS KONA</u>				STORMS vs. RABBITOHS	8:30 PM G	<u>NRL ROUND 22</u>	12:00 PM G	<u>AUSTRALIA NETWORK</u>
<u>3:30 PM</u>	<u>HI 5 – S5 EP#32/33</u>			9:30 PM G	<u>NRL ROUND 22</u>	11:30 PM G	<u>EMTV NEWS REPLAY</u>	2:00 PM G	<u>NRL ROUND 22</u>
<u>4:00PM</u>	<u>MAGICAL TALES EP#19/46</u>			11:30 PM G	<u>EMTV NEWS REPLAY</u>	followed by the Australia Network		4:00 PM G	<u>NRL ROUND 22</u>
<u>4:30PM</u>	<u>Jay, Jay the Jet Plane #15/40</u>			followed by the Australia Network				6:00 PM G	<u>EMTV NATIONAL NEWS</u>
5:00 PM G	<u>KITCHEN WHIZ</u>								
	5:30 PM G		<u>AUSTRALIA NETWORK</u>						
	5:00 AM G		<u>JOYCE MEYER</u>						
	5:30 AM G		<u>EMTV NEWS REPLAY</u>						
	6:30 AM G		<u>TODAY</u>						
	09:00 AM		<u>CLASSROOM BROADCAST</u>						
	9:00am		Grade 7 Mathematics						

TORO



BIABIA



KANAGE



TOKWIN

Benk roba dai pinis...

Nogat moa toktok nau, Benk roba Willian Nanua Kapis em dai pinis. Tupela Raphael Walamini dai long han bilong polis long Hiritano haiwe aut-sait long Mosbi. Sapos yumi lukluk gut, i gat sampela ol pasindia tu stap insait long Toyota lencrusa we tupela hadko raskol i stap long en. Hau na wanpela bilong ol i no kisim bagarap long dispela su-taut na tupela tasol i dai...Ol wantok na femili bilong Kapis i

kisim bodi bilong Kapis na sekim bodi na lukim olsem planti hul i stap long bodi bilong tupela...Tokwin i olsem tupela i kamaut long kar na ating ol i laik saraunda tasol ol poilis i no harim tok na sutim ol long gan na bihain long tupela i pundaun ol i ron i go na sutim tupela long bainen?...Sori tru, tupela i no laik saraunda longtaim yet taim bikman polis i singautim ol long kam long polis stesin...Nau tu-pela i dai pinis, PNG nau i ken stap isi..Gavman i westim bikpela moni tru long painim tu-pela na putim moni mak long

K100,000 long kisim tupela.. Ating ol polis i resis long kilim tupela long kisim dispela baunti moni..Husat i laki polisman long kisim dispela K100,000 o hamas polisman bai skelim dispela moni long dai bilong tupela... O moni bai go bek long gavman.. Mipela no klia nau...Yu skelim!! Aresitim ol waitkola stilim man tu...Planti milien tru bilong pablik moni ol i stilim..Putim baunti moni long ol tu na yumi lukim!! Bai ol hait o nogat?...

Tokwin Tasol..

Long yupela ol gutpela Wantok rida i save wokim ol Sudoku kroswod pasel, dispela em nupela SUDOKU. Long solvim Sudoku pasel, putim wanpela namba long wan wan bokis na olgeta ro olsem akros, daun, na olgeta liklik 9-pela bokis skwea long bikpela daigrem o bokis (i gat 9-pela olgeta) bai gat ol namba long 1 inap long 9. Wanpela namba i mas kamap wanpela taim tasol long wanpela ro. Wok wantaim ol namba olsem gaid o stia na wok long pinisim wan wan daigrem wantaim ol missing namba we bai mekim yu painim solusen. Tenkyu na gutpela pilai

STATIM PILAI

Lukluk long namba 9 kolum, bilong pasel piksa i stap long han kais. i gat ol sain insait long pasel bai i ken toksave long wanem hap insait long dispela kolum bai namba 3 i go.

Nambawan sain i stap long namba 8 kolum insait long piksa. I gat wanpela namba 3 insait long namba 5 bokis. Bai yumi i no i nap long putim wankain namba tupela taim insait long wanpela 3 x 3 bokis eria, olsem na yumi bai i no i nap putim namba 3 insait long bokis namba foa, faiv o siks insait long namba 9 kolum.

Yumi ken rausim tu tripela bokis daunbilo tru long namba 9 kolum bikos i gat wanpela namba 3 insait long dispela 3 x 3 bokis eria tu. Olsem na dispela namba 3 i mas go long namba 2 o 3 bokis bilong namba 9 kolum.

Laspela sain nau i stap insait long namba 2 lain bilong piksa na em i gat wanpela namba 3 pinis long en. Loa bilong pilai i tambu long wanpela namba i kamap tupela taim insait long wanpela lain, olsem na i gat wanpela bokis tasol nau i stap long dispela namba 3 i go insait — em namba 3 bokis bilong namba 9 kolum.

Bihainim dispela stail na wankain tingting na rausim i nap ol pasel bokis i pulap olgeta. Sapos yu laik save moa long insait bilong dispela pilai, yu ken go long webait long penny-dellpuzzles.com.

EXAMPLE								
		7	9					1
2	3	8				6	7	
		6		2	7			
7	8		5					
5		2		6			3	
				1		9	5	
			6	3		8		
8	4				9	2	1	
2					1	3		
EXAMPLE SOLUTION								
8	4	7	9	6	3	5	2	1
1	2	3	8	4	5	6	7	9
5	9	6	1	2	7	4	8	3
9	7	8	3	5	4	1	6	2
4	5	1	2	9	6	7	3	8
6	3	2	7	1	8	9	5	4
7	1	9	6	3	2	8	4	5
3	8	4	5	7	9	2	1	6
2	6	5	4	8	1	3	9	7

Ansa bilong las wik SUDOKU 5

6	3	2	9	8	5	1	4	7
8	7	1	4	2	3	5	6	9
4	9	5	6	1	7	8	3	2
5	6	3	2	4	9	7	1	8
1	2	7	5	3	8	4	9	6
9	4	8	7	6	1	3	2	5
3	1	6	8	7	2	9	5	4
2	8	9	3	5	4	6	7	1
7	5	4	1	9	6	2	8	3

						3		6
				8	3	9	4	5
4	3	8				6		9
2				6		1	8	
		1		4		6		
		5	7		8			4
	6		1			9	4	7
	8	4	2	6	7			
3		7						

Ansa bilong SUDOKU 6 long neks isu.

EMTV Television Guide

6:30 PM G **PACIFIC WAY S8 — Ep#7**
7:00 PM G **TOKPIKSA Ep#30**
7:30 PM G **NRL ROUND 22**
9:30 PM G **60 MINUTES —**
10:30 PM MAO **SUNDAY NIGHT MOVIE:**
12:00 AM G **HILLSONG Rpt. ...**
12:30 AM G **NEWS — Replay**
.....followed by the Australia Network

10:40am Grade 8 Mathematics
11:20am Grade 8 Science
1:00pm Grade 6 Mathematics
1:50pm Grade 6 Science
2:30pm DEPI Program
3:30 PM G **KIDS KONA**
3.30 PM HI 5 — S5 EP#29/33
4:00PM MAGICAL TALES EP#16/46
4:30PM Jay, Jay the Jet Plane #12/35
5:00 PM G **KITCHEN WHIZ**
5:30 PM G **TOTALLY SPIES EP**
5:57 PM G **CRIME STOPPERS**
6:00 PM G **EMTV NATIONAL NEWS**
7:00 PM G **NRL ROUND# 21:**
DRAGONS vs. BULLDOGS
9:00 PM G **COCA-COLA SPORTS SCENE**
9:30 PM G **EMTV NEWS REPLAY**
.....followed by the Australia Network

4:57 AM G **AUSTRALIA NETWORK**
5:00 AM G **JOYCE MEYER**
5:30 AM G **EMTV NEWS REPLAY**
6:30 AM G **TODAY**
9:00 AM G **CLASSROOM BROADCAST**
9:00am Grade 7 Mathematics
9:50am Grade 7 Science
10:40am Grade 8 Mathematics
11:20am Grade 8 Science
1:00pm Grade 6 Mathematics
1:50pm Grade 6 Science
2:30pm DEPI Program
3:30 PM G **KIDS KONA**
3.30 PM HI 5 — S5 EP#30/33
4:00PM TBA - MAGICAL TALES
4:30PM Jay, Jay the Jet Plane#8/35
5:00 PM G **KITCHEN WHIZ**
5:30 PM G **DANI'S HOUSE S2 — Ep#1**
6:00 PM G **EMTV NATIONAL NEWS**

7:00 PM G **HAUS& HOME**
8:00 PM G **BUSINESS PNG — Ep#29**
8:30 PM PGR **BODY OF PROOF Ep#7**
9:30 PM G **EMTV NEWS REPLAY**
.....followed by the Australia Network

TRINDE OGAS 7, 2013

4:57 AM G **AUSTRALIA NETWORK**
5:00 AM G **JOYCE MEYER**
5:30 AM G **EMTV NEWS REPLAY**
TODAY
CLASSROOM BROADCAST
Grade 7 Mathematics
Grade 7 Science
Grade 8 Mathematics
Grade 8 Science
Grade 6 Mathematics
Grade 6 Science

2:30pm DEPI Program
3:30 PMG **KIDS KONA**
3.30 PM HI 5 — S5 EP#31/33
4:00PM MAGICAL TALES EP#18/46
4:30PM Jay, Jay the Jet Plane 14/35
5:00 PM G **TRICKY TV #17/23**
5:30 PM G **SKILLICOIUSYr 2 : Ep #6/7**
5:57 PM G **CRIME STOPPERS**
6:00 PM G **EMTV NATIONAL NEWS**
7:00 PM G **FACT FILES: Great Animal**
8:00 PM G **TOKPIKSA Ep#29— Repeat....**
8:30 PM G **DOCUMENTARY —**
9:00 PM MA **ARROW Ep5:“Damaged”**
10:30 PM G **NEWS REPLAY**
.....followed by the Australia Network

Ol Progam na Kilok i ken senis oltaim...

MANDE OGAS 5, 2013

4:57 AM G **AUSTRALIA NETWORK**
5:00 AM G **JOYCE MEYER**
5:30 AM G **EMTV NEWS REPLAY**
6:00 AM G **TODAY**
09:00 AM **CLASSROOM BROADCAST**
9:00am Grade 7 Mathematics
9:50am Grade 7 Science

TUNDE OGAS 6, 2013

Raun wantaim Kanage olgeta wik



NEM: Nick Kwau
KRISMAS: 30 (Man)
ADRES: PO. Box 1349, Wewak, East Sepik Provins
SAVE LAIKIM: Ritim buk, singsing, go Lotu, mekim pren wantaim arapela and trevol.

NEM: Raphael Iwap
KRISMAS: 18 (Man)
ADRES: St. Michael Secondary School, PO. Box Private Mail Bag, Madang Provins
SAVE LAIKIM: Pilai gems, pilaim musik, operetim Kompyuta, wok teknisen, ritim buk, na go long skul

NEM: Vincent Awon
KRISMAS: 30 (man)
ADRES: Kamate Coca Co-operative Society Limited, PO Box 298 Madang Provins
SAVE LAIKIM: Welding, cocoa trena, menesim bloks, Raising Beans long ekspot, mekim fani, harim musik na painim wanpela meri long maritim na stap wantaim oltaim.

NEM: Junior B. Dadis
KRISMAS: 32 (Man)
ADRES: College of Distant Education, PO Box 2071, Yomba, Madang Provins
SAVE LAIKIM: Go danis, harim reggae musik, lukim CD, tok pilai na go swim

NEM: Jason Elmon
KRISMAS: 19 (Man)
ADRES: Bema High School, PMB Bema, Lae Post Office Morobe Provins
SAVE LAIKIM: Mekim pren, pilai soka, go Lotu, mekim fani na toktok wantaim ol narapela lain.

NEM: Gabriel Bania
KRISMAS: 23 (Man)
ADRES: St. Christopher Primary School Turubu East Coast, C/- Bill Orengo PO Box 466, Wewak ESP
SAVE LAIKIM: Autim tok bilong God, serim toktok ol samting, pilai gospol musik, helpim na mekim wok marimari na go Lotu.

NEM: Jenna Hill
KRISMAS: 35 (Meri)
ADRES: PO Box 90, Adoagyiri, Nsawam Ghana, West Africa - 00233 541705015 e-mel: waysofl@yahoo.com
SAVE LAIKIM: Kantri musik, kukim kaikai, raitim pas na painim wanpela man long maritim

NEM: Rex Yatapsa
KRISMAS: 30 (Man)
ADRES: Wambi DC, PO Box 352, Bulolo Morobee Provins
SAVE LAIKIM: Go Lotu, serim tok bilong God wantaim arapela, stretim hevi bilong ol arapela manmeri, Wok gol na wokim gaden.

NEM: Robert Daniel
KRISMAS: 14 (Man)
ADRES: Kanabea Catholic Mission, PO Box 90, Via Kerema, Gulf Provins
SAVE LAIKIM: Pilai gita, volibol, soka, tats, mekim fani, stori, watsim TV, harim Lotu musik, go skul, tek pat long yut wok, go Lotu na lukautim ol enimal na plans.

NEM: Awaten Kembo
KRISMAS: 20 (man)
ADRES: Bema High School, PMB Lae, Morobe Provins
SAVE LAIKIM: Pilai volibol, vok, basketbol, harim musik, mekim fani, go Lotu, ritim buk na niuspepa na stori wantaim ol poroman-meri.

Ekting Prea

Kanage i wok wantaim G4S Sekuriti Gad. Kanage i save wok long nait, wanpela nait Kanage i slip na stap taim em i pasim ai na slip, em i harim but bilong supavaisa i pairap long simen na i wokabout i kam long ples we Kanage i slip stap long en. Taim bos i kam sanap pinis long pes bilong Kanage, na Kanage i save pinis olsem em i lukim em i slip i stap. So wan tu Kanage tok, Amen! na bihain em i opim ai na lukluk long supavaisa i ting em mas distepim em long prea na em i tok, sori Kanage mi no save yu prea na stap, nogat mi ting yu slip na klostu mi laik butim yu. Sori tru, gutpela sekuriti! Na Kanage i tok olsem, bos em nomol pasin long laip bilong mi ya. Tasol samting tru Kanage i slip i stap.

Andrew Broun



Kanage spak

Kanage em i wanpela man i save stap long Baiyer riva sait long W.H.P wanpela taim Kanage i lusim ples na i go long ples bilong tambu bilong em. Dispela ples i stap klostu long Hagen taun, taim Kanage i go pinis na em i lukim sampela mangi i dring teng jus i stap. Na Kanage i ting ol i dring bia na em i tok; plis ol pikinini givim mi wanpela botol tasol na mi dring. Na ol mangi i lukim Kanage na ol i sore nogut tru long em na ol i mekim wanpela 1.5Lita kotena teng jus na givim long Kanage. Taim Kanage i dringim ap tasol na em i rausim siot na su bi-

Mi no wokim gut long skul bikos long mobail fon

Dia Laipain,

Mi wanpela meri i gat 16-pela krismas na nau mi pinisim Gret 10 bilong mi pinis.

Skul i pinis na mi stap na tingting long bihain taim bilong mi na tu, mi wok long lukim ol skul pepa bilong mi tasol mi lukim olsem mi no wokim gut o ol mak bilong i go daun.

Dispela kain samting i mekim mi pret, bikos nogut mi bai no inap go long sekonderi o nesenel hai skul.

Wanpela samting mi bilip i bagarapim skul bilong mi em mobail(Mobile) fon. Maski ol papa-mama bilong mi givim skul toktok long mi long mekim gutpela pasin, tasol mi no inap long lusim mobail fon. Mi save westim planti taim bilong skul malolo long yusim mobail long tek-sim, stap long Fesbuk o toktok long poroman-meri long taim mi gat kredit.

Long olgeta dispela, mi lusim laik long kaikai long taim bilong kaikai long nait, na ol save fosim mi long mekim wok bikos mi save mekim wok long haus.

Papa-mama bilong mi save tokim mi long lukaut gut bikos mobail fon i wok long bagarapim mi na kamapim nogut pasin.

Mi save ol i tok tru, tasol mi no save bai mi mekim wanem.

Bai mi mekim wanem samting sapos mi no go long sekonderi o nesenel hai skul? Plis helpim mi.

Can't Help it.

Dia Pren,

Tenkyu tru long rait i kam long mipela na tokaut long hevi bilong yu. Mipela i laik tokim yu olsem, i no yu tasol, planti yangpela na sumatin i gat wankain wari olsem yu husat i save rait i kam, ring na toktok long mipela.

Mipela i sori tru long wanem samting i kamap, olsem skul i pinis na yu lukim ol skul mak bilong yu i no gutpela tumas. Yu tokaut olsem yu yet i gat wanpela mobail fon na i wok long daunim intres bilong yu long mekim skul bilong yu na tu, pasin bilong yu, stail bilong kaikai na mekim wok long haus i senis.



Pren olgeta samting em Papa God yet i mekim na i gat as bilong em, wankain tu long man i mekim samting i gat as bilong em. Sapos yu askim ol lain o painim aut long wanem as tru bilong mobail fon o telefon, ol bai tokim yu olsem wok bilong en em long bringim tok namel long man-meri long wanpela na narapela. Long dispela wei, mobail fon i mekim isi long man long save wanem samting bai kamap o i kamap pinis.

Sapos olsem, long wanem as na bai mobail fon i bagarapim mak bilong yu? Yu mas tingim, samting ol i mekim em bilong gutpela bilong man na tasol sapos yumi no yusim gut, em ken bringim samting we yu no inap laikim long en.

Pren, planti yangpela i ting olsem i nogat samting i rong, tasol wanem ol risal i kamap taim yu yusim mobail fon na wanem ol pasin yu lainim long em.

Mipela i laikim yu long skelim gut wanem samting em i gutpela na wanem samting i nogut long yu laikim mobail fon tumas. Yu mekim dispela na raitim go daun long pepa na rulim lain long makim gutpela na i no gutpela bilong yusim mobail fon.

Bihain long dispela, yu lukluk long risal na ol as bilong gutpela na nogut bilong em.

Yu bai painim olsem ol i no gutpela i save stap longpela taim na i planti moa long ol gutpela we i no save stap longpela taim.

Taim yu luksave long hevi bilong yu na ol samting we i wok long bagarapim stail, kaikai na wok helpim bilong yu long haus olsem wanpela bilong ol i senis tu.

Olsem wanem long ol narapela lain olsem ol Papa-mama, brata na susa na spiritual laip bilong yu. Pren, edukesen em i olsem wanpela sik we bai yu no nap lusim sapos yu no was gut long wei yu stap long en, dispela ken bagarapim yu long bodi na tingting wantaim.

Pren olgeta samting yu tok long en,

long em na i sanap namel long bikrot na i mekim kainkain toktok na i laik kirapim pait. Na ol nam-meri i tok tambu Kanage yu dring wanem kain bia na yu mekim long long pasin? Na tu ol mangi i tokim em olsem; Kanage yu no dring bia, yu dring teng jus ya na olsem yu spak olsem? Kanage i bikmaus na i tok, "Mi bia o teng juses, yupela dring na mi spak em mi sipak pinis na mi sanap long rot em mi sanap pinis, sori tru olsem yupela i tuleit pinis. Tasol Kanage i dring teng jus na i spak."

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email: jwilson@wantok.com.pg

em sampela we bilong laip. Nau mitupela bai toktok long "Olsem wanem sapos yu no go long Sekonderi o Nesenel Hai skul."

Mipela i bilip olsem olgeta sumatin long Gret 8, 10, 12 na ol narapela sumatin askim wankain kwesten olsem yu.

I nogat pinis bilong edukesen, na i nogat wanpela nogut samting long dispela. Em i man tasol i save mekim o tingim samting olsem i nogut; I gat narapela we long yu ken skruim edukesen bilong yu sapos yu no mekim i go long hai skuls o institusens. Sampela rot we yu ken skruim skul bilong yu em;

Yu ken apgredim mak long ol sabsek yu no mekim gut long ol long planti skul olsem, open kolis(CODE)

Yu ken traim tu ol arapela skul olsem Vokesenel o teknikal edukesenel kolis o

Yu ken go stap long ples tasol yu mas yusim ol save yu bin lainim taim yu stap yet long skul.

Pren, taim yu luksave long hevi bilong yu, em bai helpim yu long kirapim bek dispela kain tingting na pasin yu bin stap long bipo.

Dispela rot ken helpim yu stretim olgeta hevi yu bin bungim na i ken kamapim gutpela senis long wei yu stap long en.

Taim yu save pinis as long wanem na mak bilong yu i go daun, orait yu ken mekim samting long kamap gutpela. Yu ken traim long noken yusim mobail fon, jonim ol yut grup long stap helti na kisim askim long famili, pren bilong yu, bikman-meri bilong sios, pastor o ol kaunselin oganaisesen.

Pren bilong yu,

Laipain.

Laipain.

Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

SWF mas tap long baset long promotim gud gavenens na trenspenensi

Stanley Nondol i raitim

MINISTA bilong Tresari Don Pomb Polye i tok gavman bai putim win mani bilong ol bikplea bisnis insait long kantri go insait long bikpela baset long promotim trenspenensi na gud gavenens.

Minista Polye tok ol bikpela bisnis bilong gavman na bisnis ejensi bilong gavman tu mas putim win mani go insait long baset. Minista Polye i tok Palamen em i gat bikpela pawa o autoriti long givim skul tok long pablik expendita o mani bilong pablik long ol pipel ken kisim servis long wanem kain rot we maus man bilong long flo palamen i laikim.

Dispela Soveren Wel Fan o SWF em gavman I kamapim long menesim royalti o winmani kam long PNG LNG projek we Exxon Mobil go pas wantaim moa long K36 bilian invesmen long kantri. Kantri bai salim namba wan ges go sut long wol maket neks yia.

Nambawan as tingting bilong gavman long kamapim dispela SWF em long helpim ol liklik bisnis bilong ol pipel long ples na long daunim inflesan o prais bilong ol samting, helpim ol sitisen bilong kantri long kisim wok na tu helpim long PNG ken salim ol komoditi long gutpela prais long wol maket.

Tresari ministra i tok 90% bilong wok long kamapim

SWF I pinis na palamen bai tokotk moa long dispela SWF long dispela yia em tok moa olsem ogeneik loa we em wankain olsem SEF bilong neuplela Kumul Holdings Limited bai palamen I tokotk long drapt bilong loa long lukautim apes na promotim korporet govenens long menesim invesmen.

Tasol tresari minister I toke m wari olsem tokaut bilong Praim Minister Peter O'Neill long kamapim nupela Kumul Holdings Limited bai lukim I gat sampela hevi long SWF na Kumul holdings Limited.

Minista Polye husat go pas long olgeta revenyu bilong kantri na kamapim baset plen bilong kantri tok aut olsem taim em lukim em

straksa bilong nupela Kumul Holdings Limited.

Mista Polye tok em bin rait go long Praim Minista Peter O'Neill na askim sapos SWF em kem stap aninit long independen bodi olsem em stap pinis long en na I no go bung wantaim Kumul Holdings Limited na praime minister em wanbel long dispela tingting bilong tresari ministra.

Minista Polye i tok SWF mas noken go bung wantaim ol narapela wankain fan we gavman i putim. Em i tok SWF em yet mas stap independen long kirapim wok ikonomi long kantri na gutpela menesmen mas kamap long ol win mani we kam aut long risos bilong PNG LNG na go long SWF.

PNG na Solomon bai sainim Tred Agrimen

Stanley Nondol i raitim

PAPUA Niugini na Solomon bai sainim tred o Invesmen Promosen na Proteksen Agrimen long mun Oktoba 2013 long tupela kantri ken mekim bikpela bisnis invesmen long groim ikonomi bilong tupela long Pasifik.

Dispela saining bai kamap bihain long wanpela tred delegesen bilong PNG we Komes na Tred Minista, Richard Maru, go pas long en i bin go putim bikpela tred fe long Solomon Ailan las wik long painim sans long PNG ken go pas long bisnis long Solomon.

Tred ministar Richard Maru, i tok dispela wokabaut long Solomon Ailan bai karim bikpela kaikai long bisnis bihain long tupela kantri i sainim tred agrimen long mun Oktoba.

Mista maru i tok, Solomon Ailan wantaim PNG bai sainim tred agrimen long tripela ki o bikpela eria bilong bisnis na tred. Dispela tripela agrimen em;

1.Wok bilong Sab Rijinel Agrimen aninit long MSG we bai lukluk long duti fri bilong tupela kantri;

2.Dabol Teksesen Agrimen na

3.Invesmen Promosen na Proteksen Agrimen

Minista Maru i tok grup bilong em nau i wok long ol dispela agrimen i stap na taim ol i pinis, bai tupela kantri i sainim agrimen long Oktoba na bihain long en bai lukluk long planti dil namel long tupela kantri.

Air Niugini pe i antap tumas

PLANTI turis na bisnis haus long ol narapela kantri long wol i mekim planti komplek pinis olsem kos bilong balus tiket bilong balus AirNiugini em antap tumas na winim ol arapela kantri long wol. Dispela em i no gutpela long kantri laik wokim bisnis wantaim ausait wol.

Tred, Komes na Indastri Minista, Richard Maru, i tok em kisim planti komplek long ol lida na ol bisnis kampani bilong ol arapela kantri we ol tokim em olsem kos bilong air niugini em antap tumas.

Minista Maru tok dispela em i no gutpela long kantri bikos ol turis husat i sevim hatwok mani long kam malolo raun long PNG bai les long kam, na bikpela kos bilong baim balus tiket em i no gutpela long promotim bisnis invesmen long kantri.

Minista Maru i tok narapela balus kampani wankain olsem Air Niugini tu i ken kam mekim bisnis long kantri na resis wantaim Air Niugini na kos bilong baim balus tiket bai kam daun.

Minista Maru i mekim dispela tokotk long dispela wik Mande bihain long kisim wanpela bikpela tim tred deleges go long Solomon Ailan long painim rot bilong PNG na

Minista Maru tu i tok Solomon Ailan i gat planti nes we i nogat wok, na ol laik kam stret long PNG na wok long ol haus sik na klinik.

Mista Maru i tok gavman bai lukluk long kisim ol dispela nes i kam wok long kantri na tu sampela wok man bilong PNG tu bai go wok long Solomon Ailan bihain long tupela kantri i sainim tred agrimen.

Minista Maru tok taim tupela kantri i sainim IPPA bai opim dua bilong tupela kantri long mekim moa invesmen na tu, bai strongim ol bisnis bilong PNG i stap pinis long Solomon Ailan long mekim moa bisnis.

Minista Maru i tok praivet sekta namel long Semba bilong Komes bilong tupela kantri wantaim we toktok namel long salim ol impot na eksport i kam gut.

Minista Maru tok i planti kamapani bilong PNG bai go bek gen long Solomon long toktok wantaim ol patna long mekim join vensa bisnis.

Papindo i sainim long kisim tuna tinpis long mani mak bilong SI\$1 milian long wanwan mun we Solomon bai salim kam long sip long Lae sipbris.

Minista Maru i tok planti PNG kampani tu i sainim bisnis ejensi wantaim holsel long Honiara.

Nupela eksport go long Solomon Ailan bai stat long Oktoba.

Minista Maru i tok bikpela amamas bilong em go long gavman bilong Solomon Ailan long sapatim tred delegesen bilong PNG long Solomon.



Westpac Kokopo brens wokman helpim kastoma long opim nupela benk akaun long Warwagira festival.

Westpac soim mobail akaun teknoloji

WESTPAC Benk i go kamap long Warwagira festival long Kokopo na i soim ol pipel nupela rot bilong opim mobail akaun we kastoma i ken kisiim benk kad long sem taim.

Dispela em nupela teknoloji na bosman bilong Retel Benking, Adam Dowine, i tok Westpac i opim pinis moa long 2,000 akun long wanwan wik na tok dispela nupela teknoloji bai surukim Westpac benking bisnis go antap moa long

givim gutpela servis tru long ol kastoma long kantri.

Mista Dowine i tok long dispela nupela teknoloji bai lukim ol pipel long rurel ples i ken kisim emti endi Westpac kad na ol ken joinim long sem taim long laptop na opim akaun long sem de.

Mista Dowine i tok dispela em helpim ol kastoma gut tru we ol noken go long benk na pilim nupela akaun aplikesen long pepa na weit long planti de long kad bai redi na kastoma bai go bek gen long

benk long kolektim o kisim kad.

Dispela nupela teknoloji em Westpac Everywhere Benking Tim i kisim i go long Warwagira Festival na wantaim helpim bilong sinia Rile-sensip Menesa bilong Kokopo brens, David McCosker i bin opim sampela andred nupela akaun bilong ol manmeri husat i go raun long lukim so.

Long wankain taim, Westpac, aninit long Instoa benking bin kwiktaim putim 9-pela

mesent long Ist Niu Briten we ol kastoma ken yusim instoa benking wantaim EFTPOS masin long mekim trensek-sen olsem witro, sekim balens na baim kaikai.

Disapela servis nau mekim isi long ol pipel long sait bilong benking na Westpac kastoma long Ist Niu Briten bai nonap hatwok long go long Kokopo taun long mekim benking, ol ken go long ol mesen klostu long haus dua na mekim wanem kain benking trensek-sen ol laikim.

Hidden Veli Main MoU stap long rivyu

OL STEKOLDA bilong Hidden Veli Gol mianing long Morobe provins nau i wok long rivyim MoU long kamapim Developmen Faundesen, Bisnis Developmen Plen na kamapim gutpela rot bilong skelim roieliti mani long givim gutpela sevis long olgeta patna bilong main.

Projek stekolda i gat Nakuwi Lenona Asosiesen, Morobe Provinsel Gavman, Hidden Veli Join Vensa na Di-

patmen bilong Tresari, Nesenel Plening, Minerel Risos Atoriti na Komes Tred na Indastri, bin miting long kamapim revyu long July 24-26.

As tingting bilong miting em long kamapim rivyu em long toktok long ol ki o bikipela eria bilong Bisnis Developmen Plen we bai lukim ol papagraun bai stap long bisnis na kisim bikipela sevis long wok main, rot bilong skelim royelti mani, na tu ol

toktok long kamapim wanpela Developmen Faundesen long kirapim liklik bisnis na developim Bulolo Distrik.

Morobe Mining Join Vensa o MMJV Komyuniti Afes menesa, Stanley Komet i tok kampani i amamas long sapotim tingting bilong stekolda bilong Hidden Veli na tok dispela bai givim sans long lukluk long wanem samting i asua long pastaim agrimen na kamapim gutpela we olgeta

stekolda bai wanbel na kisim sevis bilong wok maining.

Aninit long dispela nupela MoU na taim rivyu pinis long Septemba, Morobe Provinsel Gagman i gat plen long putim 50% bilong royelti mani go long Hidden Veli Developmen Faundesen long mekim infrastraksa developmen na sapotim liklik bisnis long pipel bilong Morobe.

Projek kodineta bilong Hidden Veli i wok wantaim Minerel Risos Atoriti, Jesse

Banamu i tok rivyu bilong MoA, Bisnis Developmen Plen, agrimen bilong skelim royelti mani na kamapim Hidden Veli Developmen Faundesen em ol bikipela samting we toktok kamap yet long stretim fainol MoU long ol pati bai sainim long Septemba bilong dispela yia.

Dispela rivyu taim pinis long Septemba, bai ol i salim i go long opis bilong Pablik Solisita long em bai

klairim na ol pati bai sainim.

Mista Banamu tok long dispela rivyu bai nesenel gavman bai mekim rot na givim tok orait long ol papagraun na ol patis bilong main long kisim gutpela sevis bilong win mani we maining bai kamapim.

Mista Banamu tok ol stekolda nau wok long dispela rivyu long ol mas wok bung wantaim gutpela tingting na pinisim long saining bai kamap long Septemba.

OTDF K21m rot bai helpim raba fama long Not Flai

MOA long 100 raba fama na moa long 6,000 viles long Not Flai distrik long Westen Provins bai kisim sevis bilong gutpela rot we Ok Tedi Maining Developmen Faundesin i fandim wantaim K12.1 long fiksik rot we stap long bagrap long 40 yia.

Pampenai rot long Ningerum Lokol Level Gavman eria long Not Flai Distrik long Westen em Provins em 15 kilomita rot, na wok konstruksen long stretim dispela bagrap rot em

kamap pinis bihain long wanpela graun bruk sere-
moni long Ogas 1.

Dispela 15 kilomita rot we Starwest Limited bai mekim bai joinim 6-pela vilies long Pampenai, Wangenai, Hiorenkia, Awenai na Negire.

Dispela rot bai opim dua na givim sevis i go long 106 raba fama wantaim Not Flain Raba Limited, we ol save wokabaut 5-pela hawa na save karim raba i go long haiwe bilong Tabubil/Kiunga.

Fanding bilong dispela rot i kam long Komyuniti Main Kontinuesen Agrimen o CMCA we em mani bilong 110,00 pipel bilong Westen Provins.

Gavana bilong Westen Atoi Wobiro i tok bikipela tenkyu i go long ol 110,000 pipel bilong CMCA wantaim OTDF long kamap patna long stretim bikipela kilomita rot we bai givim sevis long ol pipel bilong Not Flai distrik.

Mista Wobiro tok OTDF wantaim Flai Riva Provinsel

Gavman bai wok poroman long kisim moa sevis i kam long ol pipel na tok gavman l redi long kamap patna wantaim ol bisnis long givim sevis long ol pipel na tok gavman bilong em long Flai l redi long dispela.

OTDF Sif Eksekutiv Opis, Ian Middleton i tok patnasip em nambawan na ki o bikipela samting long gavman na bisnis bai wok poroman long givim sevis long ol pipel. Em i tok OTDF bai mekim kain wok yet long helpim ol pipel long Westen

Provins stretim sidaun bilong ol.

Mista Middleton i tok dispela rot em ol pipel ol yet i fandim wantaim 6.1% bilong CMCA mani we kam long Westen Provins Pipols Dividen Trast Fan we Sekretari bilong Dipatmen bilong Minerel na Polisi i lukautim.

Mista Middleton i tok rikonstruksen bilong dispela rot em kamap bihain long tu-pela yaia bilong plening na stadi na tu projek bin go long tenda na dispela rot em ol edvaiseri komiti bi-

long OTDF makim long wok bai kamap.

Dispela rot em gavman bin mekim long 1973 na long 40 yia nogat wanpela mentenens bin kamap na rot bin bagrap tru na ol pipel long Not Flai bin karim raba na ol kago na woabaut go long bikipela Haive bilong Tabubil/Kiunga we i save kisim 5-pela hawa.

Tenk yu long OTDF, laip bilong ol pipel nau bai senis kamap we ol bai nonap hat wok long karim kago na wokabaut moa.



Advertise your Business right here!!

We deliver your message right to the remote areas of PNG where others don't go.
Wantok Niuspepa is your medium to communicate your business now.

**Niuspepa
Bilong Yumi Ol
PNG Stret!!**



Call the Advertising team on,
Ph: 3252500 Fax: 3252579 or
Email: advertising@wantok.com.pg or
Website: www.Wantokniuspepa.com



OTDF CEO Ian Middleton na Westen Gavana Ati Wobiro long graun bruk seremoni long Pampenai rot long Not Flai Distrik, WP.



GLASIM RAMU NICO PROJEK



Wanpela Ramu NiCo, Wanpela Komyuniti

OEMP aweanes na envairomen monitoring long Ramu Riva

WANPELA tim bilong Ramu NiCo Menesmen (MCC) Limited, wantaim tu wanpela indipenden konsalten i kam long Australia i kari-maut wanpela wok painimaut na tu mekim wok aweanes long ol ples arere long Ramu Riva stat long Julai 22 i go 28.

Dispela Namba 2 kwata envairomen monitoring wok long Ramu Riva wantaim aweanes i bi-hainim kondisen bilong Operesen Envairomen Monitoring Progam (OEMP) we Gavman aninit long Dipatmen ov Envairomen na Konsevesen (DEC) i putim kondisen o lo we kampani i mas wokim.

Ol ofisa bilong Helt, Sefti na Envairomen (HSE) wantaim wanpela opisa bilong Komyuniti Afes na tu pablik rilisens ofisa bilong Koporet Ofis bilong Ramu NiCo i statim wok long Moimara na pinisim wok long Sepu arere long Ramu Riva. Ol dispela eria arere long Ramu riva em DEC i putim mak we Ramu NiCo i mas karimaut wok monitoring bilong em long sekim wara na wanem sedimen i kamaut long wok bilong maining.

Long Mande tim i bin go wokim kem long wanpela liklik ples long Moimara na long apinun tru ol opisa i go tromoi net long kisim ol pis bilong wara na glasim ol na sekim sapos i gat ain o arapela samting i stap insait long bel bilong ol dispela pis bilong wara. Long Tunde, tim i bin go bihainim wanpela liklik han wara na tais bilong Moimara ol i kolim oksbo we ol i putim net tu long hap.

Ol lokal pipel bilong Moimara tu i bin helpim long raun wantaim ol opisa long soim ol ples we ol i save tromoi net na kisim planti pis long en. Dispela wok-bung i soim olsem Ramu NiCo i laik wok klostu wantaim ol lokal pipel na kisim tingting bilong ol bikos ol i save long ples na wanem samting i kamap long envairomen bilong ol na ol pipel yet bai givim trupela tingting.

Insait long dispela monitoring bilong kisim ol pis long Ramu Riva, ol opisa i pulim planti pis tru, we ol i katim na sekim bel na kisim sempo bilong ol pis. Dispela ol sempo olsem bel na ol hap bodi bilong ol kain kain pis bilong wara ol i kisim em o bai glasim na mekim ripot na tu salim i go daun long Australia long wanpela bikipela leboratori we wanpela indipenden lain bai sekim

gen na mekim indipenden ripot long givim i go long Dipatmen ov Envairomen na Konsevesen (DEC).

Long sait long monitoring i lukim ol HSE ofisa i tromoi net na kisim ol pis long sekim mit na bel bilong ol na kisim ol sempo long salim i go long Australia long lukim indipenden wok painimaut i kamap long en.

Bihain long Moimara, tim i bin muv i go daun bihainim Ramu Riva i go long Banap oksbo na tu arapela tim i go kisim ol wara sempo long sediment long Napa Tais.

Taim tim i stap mekim kemp yet long Banap oksbo, arapela tim we wanpela strongpela meri Envairomen opisa, Jennifer Goari wantaim ol arapela i bin go givim toktok na aweanes long ples Mundip.

Long toktok bilong em, em i tokaut long ol pipel long wanem kain wok HSE lain i wokim long sait long envairomen aweanes na tu toksave gut tru long ol pipel long ol bikipela wok painimaut we i bin kamap pastaim.

Insait long aweanes long Mundip, ol lain bilong HSE i tokaut long ol pipel olsem wanpela indipenden konsalten bilong Australia ol i kolim Hydrobiology Kampani i kamapim long main sait eria na ol han wara i kam long Kurumbukari we i go join wantaim Ramu Riva. Dispela sevei i bihainim wok bilong glasim na skelim ol pwe i stap insait long OEMP.

Ol HSE lain i stori gut tru long ol pipel na ol manmeri i givim ol askim tu we ol opisa i bekim.

Ol HSE opisa i tokim ol pipel olsem long sait long mekim tes bilong wara, ol sempo bilong wara na sediment o hap graun ol wokman i kisim em ol i bin salim i go long Australia Laboratory Services (ALS) long Australia long mekim tes long en.

Bikipela samting bihain long kwaliti tes ALS i mekim tes i soim olsem pipia bilong ain o metali stap daunbilo tru na aninit long mak long givim hevi long bodi bilong ol pipel taim ol i kisim pis long wara na lukim na kaikai.

Plantil ol manmeri husat i stap harim aweanes long Moimara, Baiya, Mundip na Sepu i amamas olsem pis bilong ol i no bagarap wantaim sik nogut bilong wok maining.



Ol Ramu NiCo opisa givim toktok long ol manmeri long Moimara arere long wanpela laik.



Ol HSE opisa i katim ol pis na kisim sempo long sekim.



Ol HSE tim i brukim bus na hatwok tru long mekim monitoring.



Aweanes long ples Mundip arere long Ramu Riva.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

Wanpela Ramu NiCo, Wanpela Komyuniti





RIGO KASAVA PROJEK KAM GUT! (PNG): Tapioka Limited seaholda, Don Pyo Chung i kam long Changhae Korea long sainim Kasava dil wantaim Memba bilong Rigo, Ano Pala na Sentrel Provins Gavana, Kila Haoda.

K1.5 milian bai helpim wantaim tapiok bisnis

KASAVA o tapioca projek long Rigo Distrik insait long Sentrel Provins i kamapim sampela developmen long wok mani, bisnis na long sait bilong faming long ol pipel bilong distrik.

Long dispela wik, ol pipel bilong ples Launakalana long Rigo i bin kisim K1.5 milian manimak long Palamen Memba bilong olna Minista bilong Trensport, Ano

Pala, long baim wanpela bikpela masin bilong helpim ol long wok fama long Changhae (PNG)Limitet Kasava Projek i stap long Launakalana ples yet.

Rot we Mista Pala i mekim em i hap long bikpela plen bilong em long strongim wok agrikalsa insait long Sentrel Provins.

Mista Pala i tok dispela namba wan hap mani e mi

putim long makim ol pipel bilong Rigo em long baim olgeta masin long prosesim tapiok ol bai yusim long projek velyu bilong en em long K5 milian.

Mista Pala i tok em i wok wantaim Rigo Prosesing Koporesen, wanpela kampani we Rigo Distrik i papa long en we i ogenaism ol groa bai salim ol tapiok long ol liklik fam bilong ol i go longChang-

hae Tapioka nuklia estet long Launakalana, na ol bai lukautim maketing na prosesing o kamapim ol prodak.

Gavana bilong Sentrel Provins, Kila Haoda i sapotim tu dispela projek.

Long stat bilong dispela yia, Mista Haoda i bin sainim wanpela Memorandum ov Andastending wantaim kampani bilong Korea, Chinghae Tapioca, long wok wantaim

na lukim olsem ol pipel bilong Sentrel provins i stap insait long ol wok long dispela projek.

Gavana Haoda it ok dispela projek bai kamap bikpela na ol pipel bilong em i klia gut long tapiok bikos ol save planim long ol tumbuna gaden bilong ol.

Em it ok moa olsemn em mi amamas long lukim olsem ol pipel bilong Rigo

wantaim memba bilong ol, Mista Pala, i go pas long mekim ol samting ol bin sainim long ol long MoU i kamap laip.

Em i tok ol pipel bilong Sentrel Provins na moa yet, ol papagraun bai kisim strong long groim moa tapiok na saplaim i go long nuklias estet na ol bai kontribut long ikonomi bilong dispela kantri.

Imuruba wanpisin go insait long timba bisnis

...Ramu Nico i helpim

Mathew Yakai i raitim

IMURUBA wanpisin long Bundi Lokol Level Gavman (LLG) eria long Madang Provins bai kisim gupela samting long logging o timba bisnis we Ramu Nikel kampani i givim sans long ol aninit long wanpisin kampani, Imuruba Invesmen Limitet.

Ramu Nico i givim tok orait long wanpisin kampani long katim ol diwai i stap aninit lobng Spesel Maining Lis (SML) Eria long KBK Main na kliarim ples bilong Ramu Nico i skruim wok maining bilong em.

Aninit long kontrak, ol bai katim ol diwai na kliarim 25 helta SML eria, na Tropical Timber Limited em join ventja kampani wantaim Imu-

rubu Invesmen kampani.

Komyuniti Afeas bos bilong Ramu Nico long KBK, Robert Wang i tok Imuruba Invesmen na Tropical Timber Limitet i wanbel long salim ol timba na kisim mani long en, tasol sans long wokim bisnis olsem katim ol diwai i go long ol papagraun.

Ramu Nico i bin givim manimak olsem long K30,000 bilong helpim kirapim wok wantaim ol wokman i save long mekim ol wok menesmen na ol narapela wok moa olsem.

Tropical Timber kampani i statim wok pinis we i lukim 12-pela senso we 12-pela wanpisin papagraun i wok long en i stap.

Ol i kliarim mak bilong 61,000 skwea kilomita pinis.

Siti misin fam helpim ol yangpela:



SITI Misin PNG i wanpela sios ogenaiesen i helpim planti yangpela manki long Mosbi Siti na ol narapela taun long lusim bikhet pasin na senisim laip, na kamap ol gutpela man bilong ol komyuniti na kantri tu. I no ol bikhet manki, tasol sampela ol yangpela i nogat papamama na i nogat ples long stap long en em Siti Misin i kisim ol na lukautim ol, na givim ol long sekon sans long laip bilong ol. Long bmun Jun long dispela yia, gavman bilong Australia, aninit long AusAID i bin givim K1 milian gren mani i go long Siti Misin PNG long helpim ogenaiesen wantaim ol progrem na ministri bilong em long helpim ol yangpela pipel. Siti Misin i save givim trening long ol yangpela man na ol i ken yusim ol save long lukautim ol yet. Wok long fam na groim ol kumu, lukautim ol kakaruk na pig em sampela long ol projek we ol Siti Misin i save putim ol yangpela man bilong wok skul na trening long ol.Hia em wanpela yangpela man long fam bilong ol long Magi Haiwe ausait long Mosbi siti. Em i lukautim ol kabis we i save kam gut tru olsem poto i soim, na ol save kisim i kam long siti na salim.

Ol samting bai kamap long dispela yia



Bai yumi stat wantaim Mini Pasifik Gems na i go antap long ol bikipela gem olsem Olimpiks.

Tingim tu olsem wanwan spot i save gat ol bikipela tonamen bilong ol yet tu olsem ol wol sempionsip na wol kap – yumi bai lukluk long ol dispela tu.

Bekim bilong yu

Dispela yia, mipela i laik bai yu tu i mas givim tingting bilong yu long ol samting we i kamap long hia.

Long dispela as, bai gat wanpela hap aninit long stori we nem na kontek bilong mi bai stap we yu ken rait i kam na askim o givim tingting long wanpela hap tok, stori o piksa we i kamap long hia.

Sapos i gat wanpela kain spot o pilai we yu laik save gut long en, o rait yu ken salim askim bilong yu i kam na bai mipela i traim painim na tokaut long en long hia.

Em tasol stori bilong yumi long dispela wik na bai yumi statim wokabaut bilong yumi long lukim ol kain kain samting insait long spots, long wik i kam.

Nau yet, planti ol spot i no stat yet tasol mi sae olsem sampela i statim ol trening pinis long redi long hatim skin long pri sisen bipo long propa sisen i kirap.

Lukautim yu yet, harim toktok bilong kosa, trening strong na pilai bihainim stail na loa bilong gem stret.

Lukim yu neks wik.

BIPO long mi surukim tok i go moa long stori bilong yumi dispela wik na tu long dispela yia, mi laik tok Hapi Nu Yia long yu na tenkyu long stap wantaim mi gen.

Mi bilip olsem olgeta samting bilong yu long dispela bai kamap gut tasol.

Orait, nau bai mi toktok long wanem ol samting bai kamap long dispela yia long sait bilong spots we yu bai ridim na painim aut moa long en long dispela hap bilong namba wan tok pisin niuspepa bilong yu.

Long las yia yumi lukluk tasol long ol kain kain spot na pilai we i save kamap olgeta hap long wol.

Yumi luksave long ol stail bilong pilaim ol dispela gem na tu painim aut long wanem taim na wanem as ol i bin kamap.

Dispela yia bai yumi mekim wankain gen tasol sampela taim bai yumi suruk i go long sait na lukluk long ol arapela samting insait long spots we i ken helpim yumi tu.

Ol samting bilong lainim

Sampela long ol dispela em long kisim liklik skul long ol samting bilong pilai, olsem gutpela stail bilong kikim ragbi o soka bal, stail bilong ron gut na ol liklik trening bilong strongim bodi na ol arapela samting olsem.

Olsem na sapos yu laik save gut long sampela gutpela stail bilong kikim bal, kalap, ron, takol, tromoi bal o swim, nau bai yu ken gat sampela save long ol na moa.

Yu bai save tu long stretpela rot bilong mekim sampela kain ol trening we ol bikipela tim na spots manmeri save mekim long strongim ol yet taim ol i redi long ol gem bilong ol.

Ating wanpela samting yu bai amamas long save long en tu long hia dispela yia em masol ats (martial arts) na self difens (self defence) o sampela kain stail bilong lukautim yu yet sapos birua i bungim yu.

Long masol ats na self difens, mi no min olsem bai yu lainim long kalap na pait olsem Bruce Lee, Jackie Chan o Jet Li, tasol bai yu ken lainim long luksave long birua na abrusim ol bipo long ol i mekim sampela samting long yu.

Na sapos dispela birua i painim yu, orait bai yu mas mekim wanem long banisim yu yet na ronawe long en.

Bai yumi lukluk tu long sampela ol biknem spots manmeri bilong Papua Niugini na tu long wol long.

Dispela bai ol manmeri bilong kain kain spots na i no bilong soka, ragbi o ol arapela spot we i save kamap long PNG tasol.

Bai yumi painim aut long nem, gem, ples bilong ol, rekot na win na lus bilong ol na tu stori bilong ol long wanem samting ol i mekim o bihainim long kamap gutpela tru long gem bilong ol.

Wankain luksave bai go long ol kosa na trena tu husat i gat nem long trenim plan-ti ol gutpela spots manmeri.

Na i no ol pilai tasol, bai yumi lukluk tu long sampela ol biknem spots tim na klap insait long PNG na ovasis husat i gat bikipela histri aninit long nem bilong ol.

Ol bikipela gem

Stat long wik i kam bai yumi lukluk long ol bikipela gem olsem Pasifik Gems, Komonwelt gems na ol arapela.

Yumi bin stori liklik long dispela ol bikipela gem pinis tasol nau bai yumi go insait liklik moa na save gut tru long as na bilip bilong dispela ol gem.



...kalap na kisim bal.



KIK: Bai yu lainim ol samting olsem kikim bal...



...pilai ragbi.



...resis long wara



...sut wantaim bunara na spia



...na tu lukautim yu yet long taim bilong birua.

Ol Spot Eksen poto long wiken...



Ol Poto Nicky Bernard.

TROMOI KAM:
Ketsa bilong Remington i redi long kisim bal taim Beta bilong Digicel i no paitim dispela bal long isi pits resis bilong Sofbol long Bisini.



Gol suta bilong Sparrows i redim long tromoi bal i go insait long ring taim gol kipa bilong Parramana i putim was. Sparrows i winim dispela pilai.



YU MEME: Tupela pilaia bilong Vipers i memeim Eagles pilai taim tupela tim i bung long Raun 17 bilong Digicel Kap long Pot Mosbi. Vipers i win 34-22.

- Weekend Sports Draws -

Digicel Cup Round 18

Home	Away	Venue
SUNDAY, 11 AUGUST		
Agmark Gurias	vs. Enga Mioks	Kokopo
Bintangor Lahanis	vs. Wamp Nga Eagles	Goroka
Hela Wigmen	vs. Snax Tigers	Mendi
TNA Lions	vs. SNS Vipers	Kundiawa
Gulf Isapea	vs. Mendi Muruks	Port Moresby

RESULTS

Tigers 46 Isapea 12,
Vipers 34 Eagles 22,
Wigmen 16 Mioks 32,
Lions 36 Gurias 12,
Lahanis 34 Muruks 26

LADDER

	P	W	D	L	F	A	Pts
Lahanis	17	12	1	4	332	290	25
Gurias	17	11	0	6	453	266	22
Mioks	17	11	0	6	416	231	22
Vipers	17	11	0	6	402	296	22
Tigers	17	9	2	6	344	271	20
Lions	17	8	0	9	299	410	16
Wigmen	17	6	2	9	291	357	14
Muruks	17	4	3	10	282	337	11
Isapea	17	4	1	12	320	428	9
Eagles	17	4	1	12	226	427	9



Winga bilong Blue Kumuls wantaim bal i traim long abrusim tupela pilaia bilong Yamaros long Supalig resis bilong PMSA long Bisini. Yamaros win 1-0.

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



SPOTS DRO RAUN 22

Fraide: Ogas 9, 2013



AAMI Park

Storm V^s Rabbitohs



Parramatta Stadium

Eels V^s W/Tigers



Sarare: Ogas 10, 2013



Allianz Stadium

Roosters V^s Raiders



Toyota Stadium

Sharks V^s Knights



Sande: Ogas 11, 2013



Brookvale Oval

Sea Eagles V^s Warriors



Suncorp Stadium

Broncos V^s Dragons



Centrebet Stadium

Panthers V^s Cowboys



Mande: Ogas 12, 2013



ANZ Stadium

Bulldogs V^s Titans



MELBON: Long las wik Sande gem we Melbon i bekim dinau long Canberra long haus dua bilong ol. Ol i winim 68-4 skoa mak long ai bilong planti sapotas bilong ol.



BULLDOGS: Canterbury i laki tru nau long stail gem bilong Josh Dugan mejik long stap in-sait NRL finals wantaim 39-20 win. Ol i kam bek taim ol i stap 8 poin tasol long Dragons 20 na kambek long winim gem bilong Mande nait dispela wik. Ol i stap long 12 poin wantaim 30 minit long gem, ol Bulldogs i putim 5-pela trai long winim gem long strongpela pilai bilong Sam Kasiano husat i putim tupelo trai. Nau ol i stap long 5th spot long lata.



TITANS: Tasdaun Titans...Gold Coast senta Brad Takairangi flai i go insat na putim wanpela moa long Robina. AAP Image Poto. Gutpela taim bilong long Skilled Park, ol Titan i holim top-eit mak bilong ol na kisim bek gem long foapela taim ol i lus na win long 30-poin long Tigers las wik. Dis-pela win i givim sans long Titans long stap long 9th spot, wanpela poin aut long 8th wantaim 5-pela moa gem long pilai.

Raun 21 Poin Leda

Pos	Tim	W	B	L	D	Pts
1.	Roosters	15	2	4	0	34
2.	Rabbitohs	15	2	4	0	34
3.	Sea Eagles	12	2	6	1	29
4.	Storm	12	1	6	1	29
5.	Bulldogs	11	2	8	0	26
6.	Sharks	11	2	8	0	26
7.	Raiders	10	2	9	0	24
8.	Knights	9	2	9	1	23
9.	Titans	9	2	10	0	22
10.	Warriors	9	2	10	0	22
11.	Panthers	8	2	11	0	20
12.	Broncos	7	2	11	1	19
13.	Cowboys	7	1	12	0	18
14.	Dragons	6	1	13	0	16
15.	Tigers	6	1	13	0	16
16.	Eels	3	2	16	0	10



FM100
PNC's Information & Music Leader

FRIDAY 9 AUGUST



7.45PM

AAMI PARK, MELBOURNE

SATURDAY 10 AUGUST



5.30PM

ALLIANZ STADIUM

SUNDAY 4 AUGUST



2.00PM

BLUETONGUE STADIUM

LIVE GAME CALLS

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCU 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TASUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.6	TARI 100.5	WAU/SULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8



Maketing Menesa bilong CPL Prue Go i givim K200,000 sek mani go long tupela memba bilong PNG Basketbol Federesen Karo Lelai na Nick Daroa. **Poto Nicky Bernard.**

CPL sponsaim Basketbol PNG

Nicky Bernard i raitim

CITY Pharmacy i wok long sponsaim planti ol pilai long Papua Niugini, long dispela wik em givim K200,000 i go long ol PNG Basketbol Federesen long helpim ol kamapim trening long ol junia basketbol manmeri long stre-

tim ol yet long Saut Pasifik Gem.

CPL i bin ki sponsa bilong sampela bikpela spot na klab insait olsem City Pharmacy Rebels long Pot Mosbi Netbol kompetisen, Stop N Shop Vipers long Digicel ragbi kap, PNG Palais ragbi yunien meri, CPL Gerehu Magpies long AFL na CPL meri tim long Voli-

bol bilong ol Pilipino resis.

CPL i lukim olsem Basketbol tu em olsem wanpela bikpela spot insait long PNG olsem na ol kam insait long sapotim ol long helpim basketbol long kantri ken kisim wanpela medol long Pasifik Gem long 2015.

Dispela sponsasip bilong ol long PNG Basketbol Federe-

sen nau i soim olsem ol gat neming rait long ol basketbol resis long kantri na wanem kain skul bilong basketbol.

Presiden bilong PNG Basketbol Federesen Nick Daroa na Karo Lelai i tok tenkyu long City Pharmacy long kamap bikpela spona bilong Basketbol na ol bai wok bung wantaim.

Difens daunim Rapatona SNS Vipers stap long fainol

DIFENS Soka Klab i mekim wanpela bikpela kam bek bilong ol taim ol daunim Rapatona long Supa lig pilai bilong ol long Sarere wiken i go pinis.

Rapatona i bin go pas long poin leda bilong PMSA supa lig resis long dispela taim tasol Difens i no tingim dispela long daunim ol taim ol bin bung long pilai graun.

Difens bin pilai gut tru, ol namel man bilong bin lukautim gut bal na givim long ol spit man bilong long fran. Tupela tim wantaim bin pilaim wankain soka we lukim tupela bin dro 3-3.

Rapatona i mekim ol liklik stail bilong ol long traim long winim pilai, tasol ol bek lain bilong Difens i katim ol taim ol kisim bal.

Difens i wok long yusim ol spit man bilong yet long fran we dispela i kamapim namba 4 gol bilong long winim Rapatona.

Kosa bilong Difens

Selan Elizah i tok gem plen bilong ol bin karim kaikai long daunim Rapatona, em givim kridit i go long ol namel man bilong em long givim ol gutpela bal go long ol fran lain long pinisim.

Long ol narapela pilai long wiken go pinis, Cosmos i daunim UNI 2-1, Yamaros i nilim Blue Kumuls 1-0, PS Rutz daunim Hard Rock 1-0 na Mungkas i kam bihain long mekim dro wantaim Mackaren 1-1.

Yamaros nau i go pas long leda wantaim 18 poin, Momase, Rapatona na Macclaren long 17 poin, Cosmos long 16, Difens long 15 poin UNI 13, PS Rutz 9, Blue Kumuls long 8 poin na Hard Rock long 4 poin.

Long dispela wiken planti long ol dispela tim bai traim long strongim sait bilong ol long stap insait long top 4 na pilai tu bai strong stret long Bisini Soka pilai graun.

DIGICEL Kap resis bai go insait long laspela raun bilong em long dispela wiken, 5-pela tim nau i stap ples klia long lukim fainol bilong dispela bikpela ragbi lig resis.

Pot Mosbi Viper bin pilai strong long stap insait long top 5 taim ol kam bek long bihain long winim Mt Hagen Eagles 34-22 long PRL.

Eagles bin pilai gut tru long taim bilong pilai stat we ol bin holim Viper long mak bilong ol yet, taim liklik mistek kamap long Vipers, Eagles bin mekim pilai gut tru long trai lain bilong Viper we senta bilong Eagles bin go soka long namel bilong pos, ki bin go insait na Eagles bin go pas long skoa 6-0.

Banis bilong Vipers i no strong tumas we i lukim Eagles bin ron we long ol na go putim namba 2 trai bilong we ol go pas long 10-0 long 15pela minit taim pilai i stat.

Viper kam bek na putim tupela trai we tupela kik wantaim

i no go insait na skoa i stap yet long 10-8, bipo long hap taim Vipers i go putim narapela trai long mekim 12-10 na ol go malolo.

Hagen Eagles kam bek long namba tu hap na pilai strong na mekim ol Vipers i paul long pilai we ol bin go skoa na mekim skoa go 16-12. Pilai i wok long strong stret tasol Viper i kisim strong long hom graun bilong em na ol go putim tupela trai long mekim skoa go 22 16.

Viper i mekim olgeta gutpela pilai bilong ol, ol fowd bin brukim banis bilong Hagen na givim spit man bilong ol long pinisim ron long putim trai we bringim ful taim skoa 34-22 taim Eagles i kam putim laspela trai bilong long ful taim stret.

Vipers nau bai flai go long Kundiawa long kisim ol Lions, dispela pilai sapos Viper win bai kisim ol go antap liklik na sapos ol lus ol bai stap long namba 4 ples yet.

Petero bai lukim Lae

KWINSLEN na Australia lig legen Petero Civonieva bai raun go long Lae long dispela wiken, em kam daun long long PNG long Tunde dispela wik olsem Embeseda bilong Nambawan Trophy Limited.

Petero bai raun go long Lae long opim sampela nupela stoa bilong Nambawan Trophy na tu lukim sampela skul.

Dispela liklik raun bilong em long Lae bai namba wan taim bilong em, na tu em save harim stori bilong Lae olsem na em laikim tru long go lukim ol manmeri na pikinini bilong Lae siti.

Petero bai opim nupela Nippon Paint na Trophy haus na bihain bai go lukim Lae Sekendri skul na Bugandi skul long givim ragbi skul long ol.



Distrik spot developmen i stap long han bilong ol politisen

OLGETA samting nau i stap long han bilong ol distrik bikos gavman i wok long putim moa mani insait long paus bilong ol distrik long karimaut ol wok bilong ol. Fokas nau o bikpela lukluk i stap long ol Lokol Level Gavman (LLG) na ol Wod insait long ol distrik.

Askim nau em, husat bai mekim ol wok i kamap? Ansa em i isi, em ol politisen husat i gat wok long lukim olsem ol provinsel gavman i katim mani i go long olgeta distrik long karimaut ol wok plen bilong ol we ol i redim bilong wan wan yia. Gutpela em gavman i putim planti milian kina i go stret long ol distrik paus na ol i ken go hetim kwik ol wok plen bilong ol.

Long sait bilong spots developmen, ol fan o mani i stap long karimaut ol wok plen insait long wanpela yia. Dispela em ol ektiviti o wok ol komyuniti developmen opisa i plenim pinis. Dispela em sapos ol i gat anuel wok plen.

Dispela ol plen i karamapim ol LLG na ol wod insait long ol distrik. Bikpela plen i sapos long fokas long teknikel trening bilong strongim "manpower" risos o, ol woklain bilong karimaut wok insait long ol komyuniti bilong ol.

Husat bai mekim dispela i kamap insait long ol distrik? Pawa i stap long ol politisen bilong lukim olsem i gat inap mani i stap aninit long ol disrik edministresen. Long ol eria we distrik i putim bikpela tingting na lukluk long en, spot developmen i wanpela na i mas gat hap mani bilong em yet.

Wanwan memba i mas lukim olsem dispela plen i kamap na i stap long ol distrik i kam aninit long ol na long plen bilong ol bai go het long planti yia i kam o "long term plan", o rot long developim gut spot long distrik level. Tasol wanem i wok long kamap nau em, ol maina o liklik spot pilai ektiviti, olsem ol komyuniti spot tonamen, tasol komyuniti i no kisim gutpela samting long en.

Strongpela politikel wil i mas stap olsem developmen i samting i mas kamap na go het long longpela taim na bai helpim komyuniti long en.

Long spots developmen, i mas gat ol wan wan level olsem teknikel developmen, ol fasiliti na ol straksa i wok long kamap long ol kompetisen o ol pilai resis insait long ol Wod lvel.

Teknikel trening i mas kamap olsem namba wan bikpela samting antap long ol narapela wok developmen long spot, bikos em ol lain bai strongim na go hetim ol wok bilong spot sait. Ol bai go pas long ol developmen long ol narapela eria insait long ol wan wan distrik. Ol narapela developmen olsem ol fasiliti em ol bikpela eria tu long spot developmen, na ol i mas givim bikpela lukluk long ol.

Ol politisen i mas givim bikpela sapot na luksave olsem spot em i wanpela bikpela samting long sosel sekta we i karamapim olgeta pipel, maski wanem wok ol i mekim long en, wanem hap ol i kam long en. i min olsem ol i mas putim mani long sapotim wok, na i no maus tasol. Putim mani long sapotim spot bai helpim stret, na i no long spot developmen, tasol long mekim pipel i kamap olsem ol gutpela manmeri bilong komyuniti, sosaiti na kantri. Lukluk long spot olsem samting bai kamapim gutpela senis na developmen, na i no long pilai tasol.

Ol politisen i gat pawa long painim mani na ol narapela risos we bai lukim olsem ol wok plen i mas kamap bikos ol dispela bai kamapim ol gutpela developmen na senis insait long komyuniti.

Bikpela askim bilong mi i go long ol wan wan politisen em long lukim dispela, givim bikpela tingting na kisim long lewa bilong yupela na mekim samting long kamapim senis long sait bilong spot insait long olgeta distrik long kantri.



DIANA Blu
TUNA IN OIL

Moa oil na meat insait

Bintangor Lahanis em maina primia



Nicky Bernard i raitim

DIGICEL Kap reisi bai lukim laspela pilai bilong ol long dispela wiken.

Ol dispela 5-pela tim nau i stap long top 5 bai kilim skin long narapela wik antap long ol fainol pilai.

Bintangor Lahanis i stap antap long leda bilong kompetisen wantaim 25 poin, maski sapos ol lus long dispela wiken pilai wantaim ol Wamp Nga Eagles long Goroka, ol bai kisim maina primia long wanem poin bilong ol long leda i stap klia.

Agmark Gurias na Enga Mioks bai pait long namba tu ples taim tupela bung long Kokopo. Dispela tupela tim wantaim bin stap klostu long poin tebol wantaim Stop N Shop Vipers.

Stop N Shop Pot Mosbi Vipers tu bai traim strong bilong em long kisim namba tu o tri ples taim ol bungim TNA Lions long Kundiawa, sapos ol winim dispela pilai bilong ol, ol bai kalap go antap.

Lae Snax Tigers bai stap insait long laspela tim long top 5.

Ol i gat 20 poin na dispela i holim ol long stap insait long fainol pilai bilong Digicel Kap.

Ol bai bung Hela Wigmen long Mendi we sapos ol win bai poin tasol senis.

Wigmen, Lions, Muruks, Isapea na Eagles bai hagapim su bilong ol bihain long dispela laspela pilai long dispela wiken. Ol fainol bilong Digicel Kap bai kamap long Ogas 18 na ol ples bilong pilai ol bai makim bihain.

DIGICEL KAP:
Man i save stiaim SNS Vipers Peter Palus i traim long abrusim Eagles winga Solo Kumin long Pot Mosbi long wiken i go pinis Vipers i win 34-22. *Poto Nicky Bernard.*



Valvoline

PMV
DIESEL OIL

PMV OIL
BILONG YUMI

BOROKO MOTORS

Location	Phone Number
PORT MORESBY	325 5255
LAKE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GOROKA	532 3552

Email: info@borokomotors.com.pg
Website: www.boroko-motors.com